
















Six h. f.





NOBILISS. VIRGINIS  
ANNÆ MARIÆ  
A SCHVRMAN  
DISSERTATIO,

DE

Ingenii Muliebris ad Doctrinam, &  
meliores Litteras aptitudine.

Accedunt

QVÆDAM EPISTOLÆ,  
eiusdem Argumenti.



LVGD. BATAVOR.  
Ex Officina Elseviriana.  

---

c1o1o c xli.




ROBERTA VIRGINIA  
A. SCHIRMANN  
DISSERTATIO

Ingenieur Mathematik des Deutschen Reichs  
in der Ingenieur-Schule zu Berlin

A. Schirmann

GEOMETRIE  
FÜR INGENIEURE



Verlag von  
H. W. H. H. H. H.  
H. W. H. H. H. H.





*Genere, & Ingenio Nobiliss. Virgini,*

ANNÆ MARIÆ

A SCHURMAN,

S. P. D.

IOH. BEVEROVICIUS.



ETVS est inter  
eruditos de virtute  
Fœminarum con-  
troversia. Thucy-  
dides gravissimus  
author ei primam  
laudem tribuit fœminæ, de qua  
foris minimus est, vel in bonam,  
vel in malam partem, sermo. Cen-  
sens nimirum, ut corpus, ita fa-  
mam quoque (quasi, quod dicit  
Tacitus, non minus periculum ex

A 2 magna

magna fama, quam ex mala) bonæ mulieris domi inclusam esse, neque in publicum exire debere. At prudentissimo Philosopho Plutarcho potior videtur Gorgiæ opinio, qui mulieris non formam, sed famam vult multis esse notam. Cujus tu, immortale Virginum decus, sententiæ subscribas, certo mihi constare non potest. Cum enim nihil natura tibi denegaverit, ac omnia detulerit eruditio, videris tamen latere velle, & comitem recte factorum gloriam repudiare. Sed frustra palam deprimis, vel invitæ assurgentem. Nam, etiamsi tu id non agas, tamen necessario etiam fugientem, umbra tam admirandarum virtutum, consequetur gloriam. Et profecto illud *ἀάθε βιώσας,*

& tibi, & aliis inutile. *Paulum sepulchra*, inquit Lyricus, *distat inertie celata virtus*. An pulchrum istud corpusculum tot laboribus frangitur, tot curis vigiliisq; maceratur, ut lateas, profisque nemini? Totne linguas calles, ut sileas? Totne disciplinis generosum istum instruxisti animum, ut unitas agitet inglorius artes? At nec egregiæ virgines, quibus de meliore luto cerebrum finxit magnus ille Prometheus, sibi exemplum sumere possunt ex ignota; neque tu latens, illarum studia ad virtutem & doctrinam excitare. Recte siquidem Plutarchus sensit, sicuti lumen non manifestos tantum nos, sed & utiles invicem facit: ita notitia non gloriam modo, sed & agendi materiam virtu-



tibus parari. Fortassis dices, lucem te splendoremque fugere, quod sint non pauci, qui sexum vestrum à Minervæ sacrario arcent. Sed iniquam eorum sententiam non minus eleganter, quam erudite refutasti. Quare æquiori animo feres, tua ad Reverendum, & Clarissimum RIVETVM superiori anno Lutetiæ satis negligenter edita, nitidis nunc & elegantibus typis correctiora in lucem prodire. Præfixi Dissertationem Logicam, olim mecum communicatam, ejusdem argumenti. Cui & ipse album calculum adjeci in libro meo, quem videre dignata es, de vestri sexus excellentia. Symbolam huic editioni conferunt doctissimi Theologi, Colvius & Lydius, summi mecum  
 tuarum

7

tuarum virtutum admiratores.  
Vale nostrum decus, & non unius  
Seculi miraculum. Dordrecht  
postr. Kal. Quint. c l o l o c x l.

---

L E C T O R I.

**Q**Uod tibi nunc offertur amice le-  
ctor, specimen felicissimi ingenii,  
Virginis quæ parem non habet, exi-  
guum est, si cum iis quæ affecta habet  
& parata, comparetur. Sed pro ea qua  
est modestia, hoc etiam quantulum-  
cumque ab ea extortum est, ad quod  
evulgandum vix adducta est ut con-  
sentiret; neque sanè id ab ea obtinuis-  
semus, nisi jam præoccupassent non-  
nulli, quæ alibi edita sunt, non ex-  
pectato ejus, nec eorum è quorum ma-  
nibus ea acceperant, permissu; publici

juris facere. *Ægrè tandem ab ea impetravimus ut purius hic ederentur, & ejusdem argumenti adderentur ea, quæ producimus, non desperantes quin, si hæc tibi arrideant, & salivam moveant, quod nobis persuasissimum est, ipsa, ex divite suo penu, intra paucos dies, liberalius effundat, & plenâ manu, quod desiderium tuum impleat. Vale.*



ANNÆ





ANNÆ MARIÆ

A SCHVRMAN,

PROBLEMA

PRACTICVM.

**N** *VM Fœminæ Christianæ  
conveniat studium Littera-  
rum?*

Nos *affirmativam* tueri conabimur.

Præcognita hæc præmittimus. Pri-  
mo, ex parte Subjecti; deinde etiam  
Prædicati.

Voces Subjecti omnis ambiguitatis  
sunt expertes; nam *Christianam* fœmi-  
nam cum dico, intelligo professione  
atque re ipsa talem.

Voces Prædicati sunt primo stu-  
dium Litterarum.

*Studium* inquam (ut cæteras ejus

A 5 signifi-

10 A. MARIÆ à SCHVRM. &c.  
significationes præteream) hic sumitur pro sedula atque alacri animi applicatione.

*Litterarum* vocabulo intelligimus cognitionem linguarum, & Historiarum, Disciplinas omnes; tum superiores, quas facultates; tum inferiores, quas scientias philosophicas appellant. Solam Theologiam Scripturariam, propriè sic dictam, excipimus: quippe quam omnibus Christianis convenire extra controversiam ponimus.

Secundo, occurrit vox an *conveniat*, hoc est an expediat, aptum sit, ac decorum?

Vocibus ita distinctis, res ipsæ distinguendæ sunt.

Sunt enim *fæminarum* aliæ ingeniosæ, aliæ verò stupidiores; aliæ iterum inopes, aliæ locupletiores; aliæ denique negotiis seu curis domesticis magis, aliæ minus, involutæ.

*Studia litterarum* distinguuntur vel in *Vniuersalia*, quando nempe omnibus Disciplinis simul operam damus;  
vel

vel in *particularia*, quando unam aliquam linguam, aut scientiam cum facultate quadam addiscimus.

*Limitationes itaque adhibemus.*

Primò, ipsius *Subjecti*; ut fœmina nostra ingenio saltem mediocri sit prædita, & ad discendum non prorsus inepta. Secundò, sit medijs necessariis instructa; nec obftet omnino res angusta domi. Quam exceptionem ideo hic afferro, quia paucis contingit ea felicitas, ut parentes habeant qui eas ipsi erudire, aut velint, aut possint: nec absque sumptibus præceptorum opera hac in regione conduci queat. Tertiò ut ea sit temporum & fortis ejus conditio, ut à vocatione generali sive speciali, nimirum exercitiis pietatis, sive rei familiaris negotiis aliquando ei vacare liceat. Quod ut consequatur facile, præstabit partim in ætate puerili à curis negotiisque immunitas, ac libertas: partim, in provectiori ætate vel cælibatus, vel ministerium ancillarum, quæ etiam matronas locupletiores à

De puel-  
larû eru-  
ditione  
quæ par-  
tim apud  
divites  
extra-  
neos,  
partim  
domi  
erudie-  
bantur,  
legendi.  
*Livi. lib.*  
*3. Plin.*  
*Epist. 17.*  
*lib. 1. A-*  
*then. lib.*  
*1. Plutar.*  
*lib. de E-*  
*duc. liber,*  
*Gordia. l.*  
*15. de ne-*  
*got. gest.*  
*Forner.*  
*ad Cas-*  
*siod.*

nego-



12 A. MARIÆ à SCHVRM.&c.

negotiis domesticis magna ex parte liberare solent. Quartò, Finis ei sit, non vana gloria, & ostentatio ; aut inutilis quædam curiositas ; sed præter finem generalem, Gloriam Dei, scilicet, & animæ suæ salutem ; ut & ipsa tanto melior evadat ac felicior ; & familiam (si id ei muneris incumbat) erudiat ac dirigat ; & toti etiam Sexui, quantum fieri potest, proficit.

*Limitationes Prædicati.*

Studium Litterarum sic limito, ut omnes quidem honestas disciplinas, sive universam ἐγκυκλοπαιδείαν, ut vocant, Christianæ fœminæ (tanquam proprium ac universale hominis bonum seu ornamentum.) convenire omnino arbitrer : sed ita tamen ut pro dignitate, ac natura cujusque scientiæ, sive artis ; nec non pro ipsius puellæ seu fœminæ captu, ac sorte, singula suo ordine, loco ac tempore sibi invicem inter discendum succedant, aut commode conjungantur. Inprimis verò ratio habeatur istarum scientiarum, sive artium  
tium

tium quæ proximam habent cum S.S. Theologia atque virtutibus moralibus connexionem, iisque primario ministrant ; quo in genere esse putamus Grammaticam, Logicā, Rhetoricam; cum primis autem Logicam quam clavem omnium scientiarum non nemo disertè nuncupavit: deinde Physicam, Metaphysicam, Historiam, &c. nec non Linguarum præsertim Hebraicæ ac Græcæ notitiam: quæ omnia ad faciliorem ac pleniorē S. Scripturæ intellectum, (ut nihil jam de aliis autoribus dicam) nos promovere possunt. Cætera, nempe Mathematica (quo etiam refertur Musica) Poësis, &c. Pictura, & similes quasi liberales artes egregii cujusdam ornamenti sive oblectamenti vicem obtineant. Denique illa studia quæ praxin spectant jurisprudentiæ forensis, rei militaris, artes perorandi in Templo, Curia, Academia, velut minus propria aut necessaria non admodum urgemus. Interim tamen à Scholastica, sive Theoretica (ita loqui liceat) istarum rerum, præ  
cæte-

14 A. MARIÆ à SCHVRM. &c.  
cæteris autem nobilissimæ Disciplinæ  
Politicæ cognitione fœminam exclu-  
di nequaquam concedimus.

Limitamus verbum quod *conveniat*,  
sive expediat studium litterarum, non  
tanquam proprium, seu requisitum,  
præcisè ad æternam salutem necessa-  
rium: nec quidem tanquam bonum,  
quod ad essentiam ipsam faciat beati-  
tudinis hujus vitæ: sed ut officium seu  
medium quod plurimum ad ejusdem  
integritatem conferre queat: Atque  
adeo per rerum pulcherrimarum con-  
templationem ad amorem Dei, & æ-  
ternam salutem tanto facilius promo-  
vere.

Sit igitur Thesis nostra.

**F**oemina Christiana convenit studium  
Litterarum.

Cui confirmandæ argumenta hæc  
adferimus primo ex parte Subjecti:  
deinde etiam, Prædicati.

I. *Argumentum ex proprio Subjecti.*

Cuicunque naturâ indita sunt prin-  
cipia,



cipia, seu potentia principiorum omnium artium, ac scientiarum, ei conveniunt omnes artes ac scientia: Atqui foeminis natura indita sunt principia seu potentia principiorum omnium artium ac scientiarum.

Ergo Foeminis conveniunt omnes artes ac scientia.

*Propositio* probatur: quia cui conveniunt principia seu potentia principiorum, ei convenit notitia conclusionum, quae sua natura ex iisdem educuntur.

*Assumptio* probari potest, tum ex proprio forma hujus Subjecti, sive rationis humanae: tum ex ipsis actibus seu effectis, siquidem foeminas actu scientias & artes quolibet addiscere manifestum est: actus verò nulli sine principiis esse possunt.

## II. *Argumentum à proprio Subjecti.*

Cui natura inest scientiarum artiumque desiderium, ei conveniunt scientia & artes:

Atqui

16 A. MARIAE à SCHVRM. &c.

Atqui Fœminæ naturâ inest scientiarum artiumque desiderium. ergo.

*Majoris ratio patet, quia Natura nihil facit frustra.*

*Minor probatur, quia quod inest toti speciei; inest etiam singulis individuis. Atqui omnis homo (ut exserte statuit Philosophus *Metaphysic. lib. 1. cap. 2.*) naturâ scire desiderat.*

III. *Argumentum à proprio seu adjuncto externo.*

Quemcunque Deus creavit vultu sublimi, & in cœlum erecto, ei convenit rerum sublimium ac cœlestium contemplatio ac cognitio.

Sed Fœminam Deus creavit vultu sublimi, & in cœlum erecto. ergo.

*Pronaque cum spectent animalia cœtera terram.*

*Os homini sublime, &c.*

IV. *Argumentum.*

Quicumque maxime indiget solidâ ac perpetua occupatione, ei studium Litterarum maxime convenit;

Atqui

Atqui Fœmina maxime indiget solida ac perpetua occupatione. ergo.

*Majoris* consequentia probatur : quia nihil perinde omnes animi motus in se intendit, & (ut magnus inquit *Erasmus*) nihil ita totum puellæ pe-

*In Epistola ad Budeum ubi de institutione familiarum Thomæ Mori describit.*

*Minor* probatur duplici hac ratione.

I. Cuicumque propter imbecillitatem ac inconstantiam ingenii sive temperamenti, nec non innumeras mundi illecebras maximum est à vanitate periculum, illa maxime indiget solida ac perpetua occupatione:

Atqui Fœminæ propter imbecillitatem, &c. Ergo.

*Majorem* iterum probare licet : quia contraria contrariis optime curantur: nec quicquam vanitati validius resistit, quam seria ac perpetua occupatio.

*Minorem* extra controversiam esse putamus; cum vix ulla quamvis heroica virtus, seculi ac juventutis Sirenas,

B

nisi



18 A. MARIÆ à SCHVRM. &c.  
nisi circa res serias ac solidas occupetur, superare possit.

2. *Ratio* qua probatur *Assumptio*, sive *Minor* IV. Argumenti.

Quicumque abundat otio, is maxime indiget solida ac perpetua occupatione:

Atqui Fœminæ, quibus splendidior fors est, ut plurimum abundant otio. ergo.

*Majoris* consequentia iterum probatur, primo quia otium per se est tædiosum, imo onerosum; ita ut merito dixerit divinus Nazianzenus, μέγιστον πρᾶξις ἢ ἀπρᾶξία. 2. quia, Otia dant vitia. Nam

*Homines nihil agendo male agere discunt.*

#### V. *Argumentum.*

Cui contingit vita tranquillior ac liberior, ei convenit studium Litter.

Atqui Fœminis passim contingit vita tranquillior ac liberior. ergo, Fœminis passim convenit studium Litterarum.

*Majo-*

DISSERTATIO. 19

*Majoris* ratio manifesta est, quia nihil est tam amicum studiis, ac tranquillitas & libertas.

*Minorem* probamus hoc argumento,

Cuicunque, ut plurimum, sibi ipsi vacare, & à curis negotiisque publicis immunem esse contingit, ei contingit vita tranquillior & liberior:

Atqui Fœminæ (præsertim in cælibatu) ut plurimum contingit sibi ipsi vacare, &c. Ergo.

VI. *Argumentum.*

Cui convenit studium scientiarum principalium, ei & convenit studium scientiarum instrumentalium sive adjuvantium.

Atqui Fœminæ Christianæ convenit studium scientiarum principalium &c. Ergo.

Consequentia *Majoris* valida est; quia

Cui finis convenit, ei quoque conveniunt etiam media legitima, quibus

20 A. MARIÆ à SCHVRM. &c.  
bus ad finem istum consequendum facillime promovemur:

Sed scientiæ instrumentales, sive adjuvantes sunt media legitima, &c. Ergo.

*Minor* probatur eò, quod fœminæ Christianæ convenit studium, sive assidua ac seria meditatio verbi divini, notitia Dei, ejusque operum pulcherriorum inspectio, ut quæ ad omnes Christianos ex æquo pertineant.

Quemcunque domi potius apud se, quam foras apud alios, oblectationem quærere oportet, ei convenit studium Litterarum:

Atqui fœminæ domi potius apud se, quam foras apud alios, &c, Ergo.

*Major* est verissima, quia studia hanc prærogativam obtinent, ut semper comitem habeant voluptatem, quamvis alios insuper comites non habeant: unde juxta Græcum Proverbium sapiens dicitur, *αὐτοπροαίρετόν ἐστιν αὐτοπαιγνίζεσθαι*.

Minoris ratio nihilo obscurior est; quia Apostolus vult fœminas esse,  
*οἰκὸς κεφαλὴ*



οἰκὸς Tit. 2. 5. Deinde experientia ipsa testatur, quarum linguæ, aures, oculi sæpius peregrinari, & foris delicias aucupari solent, earum fidem, diligentiam, imo pudicitiam à plerisque in dubium vocari.

VII. *Argumentum à genere Prædicati seu scientiæ.*

Cui convenit omnis virtus in genere, ei & conveniunt scientiæ & artes:

Atqui Fœminæ convenit omnis virtus in genere.

Ergo Fœminæ conveniunt scientiæ & artes.

*Major* patet ex divisione virtutis, in intellectualem & moralem, sub qua, priori inquam, scientias & artes complectitur Philosophus.

*Minor* probatione non indiget, siquidem virtus (ut ait *Seneca*) nec censum nec sexum eligit.

VIII. *Argumentum à Fine scientiarum.*

Quidquid intellectum hominis perficit

22 A. MARIÆ à SCHVRM. &c.  
facit & exornat, id foeminæ Christianæ convenit.

Atqui scientiæ & artes intellectum hominis perficiunt & exornant. Ergo.

*Majoris* ratio est; quia omnibus creaturis convenit sui ipsius ultima ac summa perfectio, ad quam omnibus viribus eas contendere oportet.

*Borum  
additum  
bono (ut  
ait Philo-  
sophus in  
topicis)  
facit ma-  
jus bo-  
num.*

*Minor* probatur; quia scientiæ & artes sunt habitus, quibus potentiæ naturales intellectus humani perfectiuntur.

#### IX. *Argumentum.*

Quæcunque suâ naturâ ad majorem Dei amorem, ac reverentiam in nobis excitandam conferunt, ea conveniunt foeminæ Christianæ:

Atqui scientiæ & artes suâ naturâ ad majorem Dei amorem ac reverentiam excitandam conferunt. Ergo.

*Majoris* veritas luce clarius est; quia omnibus hominibus convenit amor Dei perfectissimus, & summa reverentia: adeo ut hic in excessu peccare nemo possit.

*Minor*

*Minor* probatur hoc Argumento,  
Quidquid Deum ac divina opera  
cum gradu eminentiori nobis spectan-  
da ac cognoscenda exhibet, id suâ na-  
turâ ad majorem Dei amorem ac re-  
verentiam in nobis excitandam con-  
fert:

Atqui scientiæ & artes Deum ac di-  
vina opera cum gradu eminentiori  
nobis spectanda ac cognoscenda exhi-  
bent. Ergo.

*Majorem* iterum probamus tali ar-  
gumento,

Quidquid revera est pulcherrimum,  
optimum ac perfectissimum, id quan-  
to magis cognoscitur, tanto magis di-  
ligitur, ac reverentia seu celebratione  
dignius habetur:

Sed Deus, omniaque ejus opera  
sunt pulcherrima, optima, &c. Ergo.

*Minor* item probari potest, ex fine  
seu effectis scientiarum, quarum nulla  
est quæ non ad faciliorem magisque  
distinctam Dei, ac divinorum operum  
cognitionem quamplurimum con-  
ferat.



X. *Argumentum.*

Quicquid nos præmunit contra hæreses, earumque insidias detegit, id Fœminæ Christianæ convenit:

Atqui Scientiæ, &c. Ergo.

*Majoris* ratio evidens est; quia nemo Christianorum in hoc communi periculo suum officium negligere debet.

*Minor* probatur; quia sanior illa Philosophia est velut lorica, & sepes (ut Clementis Alexandr. verbis utar) Dominicæ vineæ, seu doctrinæ Servatoris: vel (quæ similitudo magno Basilio placuit) cum Evangelio collata; est instar foliorum quæ ornamento ac *præsidio* sunt ipsius fructibus. Nimirum rectâ ratione ratio notha sive corrupta, quâ hæreses potissimum nituntur, facillime revinci potest.

XI. *Argumentum.*

Quæcunq; prudentiam docent absque ulla famæ ac modestiæ detrimento ea Christianæ Fœminæ conveniunt.

Atqui

Atqui studia Litterarum prudentiam docent absq; ullo famæ, &c. Ergo.

*Major* est in confesso; cum nemo ignoret honorem fœminei sexus esse tenerrimum, nec ullius fere rei eam magis indigere, quam Prudentiæ: deinde quam difficilis res sit atque alex (quod dicitur) plena, ex ipso usu sive experientia prudentiam haurire.

*Minor* probatur, quia scripta doctorum virorum non tantum præclara præcepta, sed & exempla pulcherri-  
ma nobis depromunt, & quasi manu nos ad virtutem ducunt.

## XII. *Argumentum.*

Quicquid facit ad veram animi magnitudinem, id fœminæ Christianæ convenit.

Atqui Studium Litterarum facit ad veram animi magnitudinem. Ergo.

*Majorem* probo, quia quo quisque suâ naturâ ad vitium pusillanimitatis est proclivior, hoc magis virtutis oppositæ subsidio indiget. Sed fœmina suâ naturâ, &c. Ergo.

*Minor* probatur, quia scientia animos hominum erigit, & iis rebus, quæ vulgo timeri, aut impotenter affectari solent, larvam detrahit.

### XIII. *Argumentum.*

Quicquid eximia atque honesta voluptate animum hominis perfundet, id fœminæ Christianæ convenit:

Atqui studium Litterarum eximia atque honesta voluptate, &c. Ergo.

*Majoris* ratio probatur; quia nihil est naturæ humanæ magis consentaneum, quam eximia ac honesta voluptas, quæ similitudinem quandam divinæ lætitiæ in homine repræsentat: quod & magnifice deprædicat Aristot. 7. Ethic. 13. his verbis. Voluptas natura divinum quid est insitum mortalibus.

*Minor* probatur, quia nulla est voluptas (sola supernaturali illa Christianorum excepta) neque ingenua mente dignior, neque major ista, quæ ex studio Litterarum consequi solet, quod cum exemplis, tum rationibus variis facile est evincere.



XIV. *Argumentum ab opposito.*

Cui non convenit inscitia seu ignorantia; ei convenit studium Litterarum:

Atqui fœminæ Christianæ non convenit inscitia, &c. Ergo.

*Major* confirmatur hoc argumento,

Quicquid per se non tantum est causa erroris in intellectu, sed vitii in voluntate seu actione, id fœminæ Christianæ non convenit.

Atqui inscitia seu ignorantia per se est causa erroris, &c. Ergo.

*Majoris* ratio iterum ostenditur Primo, respectu erroris in intellectu; quia ignorantia seu inscitia in intellectu (qui animæ oculus dicitur) nihil aliud est quam cæcitas & caligo, quæ omnis erroris causa existit. Secundo, ostenditur respectu vitii in voluntate seu actione; quia Quidquid per se reddit homines superbos, feroces, &c. id est causa vitii in voluntate seu actione:

Atqui ignorantia seu inscitia per se reddit homines superbos, &c. Ergo.

*Major-*

Εἰ τὸ  
φῶς τὸ  
ἐν σὺν,  
σκότος  
ἐστὶ, τὸ  
σκότος  
πόσον;  
Matth. 6.

*Majoris ratio est evidens.*

*Minor probatur; quia quo quisque se minus noverit, eo magis sibi ipsi placebit, aliosque contemnet: Et qui, quantum nesciat, nescit, is pulchre sapiet sibi. deinde (ut de ferocitate sub-  
jiciam) Nihil est intractabilius inscitiâ, quod Erasmus non semel expertus testatur: &, ut divini Platonis sententiam hic referam, ο' άνθρωπος παιδείας μὴ ὀρθῆς τυχῶν, θεώτα τον ἡμερώτα τον τειζών γίγνεσθαι φιλεῖ. μὴ ἱκανῶς ᾗ ἢ μὴ καλῶς τραφὲν, ἀγερώτα τον μὴ ὁπόσαι φύσῃ. Adde quod ingenuas didicisse fideliter artes, Emollit mores nec finit esse feros.*

6. de Le-  
gib.

Denique, ostendi potest periculum inscitiae respectu vitii, ex ipsius vitii, ac virtutis natura; Cum enim ad omnem actionem virtutis requiratur tanta ἀκρίβεια, ut eam omni ex parte ad normam rectæ rationis respondere sit necesse, ad plenam vitii rationem vel minima ἀπεξία, quæ sponte ignorantiam sequitur, sufficere potest.

*Testimonia & exempla hic brevitatis causa omitto.*

## REFUTATIO

## ADVERSARIORVM.

**P** *R*ecognita hæc, præmittenda esse putamus.

Primo sunt quidam adversariorum qui, nescio quibus præjudiciis quasi exoculati, non limitant nostrum subiectum: sed putant ex thesi nostra sequi, nullam neque ingeniorum, neque fortis delectum esse habendum; quo minus illi conveniat prædicatum.

Sunt præterea, qui non alium studiorum finem videntur agnoscere, quam aut lucrum, aut gloriam inanem: nisi publicis muneribus inferviant, quod est *πρωτων* ac satis pudendum *ψευδος*; quasi prorsus supervacaneum sit, *ὅτι τὸ φέρειν τὴν ἀγνοίαν* *Aristot. l. 1. Metaphys. cap. 2.* Philosophari.

Sunt denique, qui studia convenire fœminæ non utique negant: sed tantum eminentiorem scientiæ gradum; quos forte divexat æmulatio, aut certe metus, ne aliquando eveniat illud

*πᾶσι*



30 A. MARIE à SCHVRM. &c.  
πολλοὶ μαθητὰὶ κρηττόνες διδασκάλων. Et al-  
terum illud antiquissimi Poëtæ:

*Vos etenim juvenes animos geritis  
muliebres,*

*Illa virago viri.*

T H E S I S

ADVERSARIORVM.

Fœminæ Christianæ (nisi siqua for-  
te peculiari quodam motu sive in-  
stinctu ad id fuerit divinitus excitata)  
non convenit studium Litterarum.

I. *Argumentum ex parte subjecti.*

Cuicunque est ingenium imbecil-  
lius, ei non convenit studium Litte-  
rarum; Atqui Fœminæ est ingenium  
imbecillius. Ergo.

*Majorem* probabunt, quia ad stu-  
dium Litterarum requiritur ingenium  
firmum ac validum: nisi frustra labo-  
rare velimus: aut in periculum inci-  
dere ἀρρώστιας τῆς Νενοίας. *Minorem* in  
confesso ponent.

Respondemus ad *Majorem*; limita-  
tione nostra tales eximi, quæ ob imbe-  
cilli-

cillitatem ingenii ad studia sint prorsus ineptæ, quando mediocria saltem ingenia hic requiri statuimus. deinde dicimus non semper heroica ingenia ad studia præcise esse necessaria: siquidem & doctorum virorum numerum ex mediocribus passim colligi videmus.

Ad *Minorem* respondeo; non esse illam absolute veram; sed collatè tantum ad sexum masculinum. Nam etsi fœminæ cum excellentioribus illis viris (qui sunt velut ἀετοὶ ἐν νεφέλαις) non possint ingenio comparari: tamen res ipsa loquitur, non paucas tales reperiri, quæ non sine fructu ad studia admitti queant. Sed

*Quin è contrario inferimus.*

Quicumque minus ingenii dexteritate pollet, ei maxime convenit studium Litterarum.

Atqui fœmina minus ingenii dexteritate pollet. Ergo.

*Majorem* probamus, quia

Quicumque naturæ donis minus est instructus, ei maxime conveniunt ea  
media

32 A. MARIÆ à SCHVRM. &c.  
media ac subsidia, quibus istis defecti-  
bus mederi possit :

Atqui studia Litterarum sunt ea me-  
dia ac subsidia, &c. Ergo.

## II. *objectio.*

Cuicunque animus ad studia non  
inclinat, ei non conveniunt studia :

Atqui fœminis animus ad studia  
non inclinat. Ergo.

Majorem probant, quia nihil agen-  
dum est invitâ (ut ajunt) Minervâ.

Minorem probabunt ex ipsa con-  
suetudine; quia rarissimè fœminæ ad  
studia animum applicant.

Respondemus ad majorem, dicen-  
dum fuisse; Cuicunque omnibus legi-  
time tentatis mediis animus ad studia  
non inclinat, ei non conveniunt stu-  
dia: Alioqui negatur consequentia.

Ad minorem dicimus; non posse  
quemquam de nostra erga studia incli-  
natione recte judicare, priusquam nos  
optimis rationibus ac mediis ad studia  
capeffenda instigaverit: simulque eo-  
rum dulcedinis gustum aliquem dede-  
rint;



rint; quamquam interea exempla nobis non desunt quæ contrarium verum esse evincunt.

### III. *Obiectio.*

Quemcunque destituunt media ad studia Litterarum necessaria, ei non conveniunt studia Litterarum:

Atqui Fœminas destituunt media &c. ergo.

*Major* non est controversa.

*Minorem* probare conantur, quia non dantur hodie Academiæ & Collegia in quibus sese exercitare queant.

Sed consequentiam hanc negamus, sufficit enim ut sub ductu Parentum, aut privati cujusdam præceptoris se domi exercitent.

### IV. *Obiectio.*

Quorum studia fine suo proprio excidunt, ei parum conveniunt studia.

Atqui Fœminis studia fine suo proprio excidunt. ergo.

*Major* probari potest, quia Finis est cujus gratia omnia fiunt.

C

*Mino-*

*Minorem* probant eò , quod ad munia publica Politica, Ecclesiastica , Academica, &c. rarissimè, aut nunquam promoventur.

Respondemus ad *Majorem* , fœminas in speculativis scientiis sine suo nequaquam frustrari : in practicis verò, (quas modo commemoravimus) etsi non primarium, sive publicum illum finem ; tamen secundarium , ut ita dicam , magisque privatum consequuntur.

#### V. *Objectio.*

Cuicunque ad vocationem suam excolendam pauca scire fatis est , ei non convenit, ἐγκυκλοπαιδεία , neque sublimior scientiæ gradus :

Atqui fœminæ ad vocationem suam excolendam pauca scire, &c. ergo.

*Majoris* consequentiam probant ; quia supervacua , aut à vocatione sua aliena agere nemini convenit.

*Minorem* probabunt ; quia scilicet fœminæ vocatio arctis omnino limitibus includitur ; nimirum vitæ privatæ sive œconomicæ terminis.

Omissa

Omissa *Majore*,

Ad *Minorem* respondemus, ambiguitatem esse in vocibus, primo *vocationis*: nam si hic intelligunt vocationem vitæ privatæ, quæ publicis muniis oponitur, dicimus eadem ratione omnibus etiam viris vitam privatam degentibus ἐγκυκλοπαιδείαν seu sublimiorē scientiæ gradum denegari; cum tamen gravissima Plutarchi sententia de omnibus & singulis, cujuscunque status hominibus jure pronuntiet, Δεῖ τὸν τέλῃον ἄνδρα καὶ θεωρητικὸν εἶναι τῶν ὄντων, καὶ πρακτικὸν τῶν δεόντων. Sin vocationem intelligunt specialem, quæ aut rei familiari, aut curis œconomix inservit; dicimus universalem illam quæ ad omnes, qua aut Christiani, aut, saltem homines sumus, cum primis pertinet, per istam neutiquam excludi. Imo ausim asserere, virginem postremæ huic potissimum vacare posse ac debere; utpote quæ à prioris istius impedimentis ut plurimum liberior esse solet. Ἡ ἀγάπη μερμυᾷ τὰς ἐκείας. I Cor. 7. ὧ. 34. Secundò, ambiguitas est in



36 A. MARIÆ à SCHVRM. &c.  
vocibus, *satis est*: cui tollendæ suffe-  
cerint quæ supra, sub limitatione vocis  
An *conveniat*, de necessitate studii Lit-  
terarum diximus.

Stat igitur Thesis nostra.

*Fœminæ Christianæ convenit studium  
Litterarum.*

Unde conscriptarium hoc elicimus.

**F**Oeminas optimis ac validis ratio-  
nibus, Sapientum testimoniis, ac  
denique illustrium fœminarum exem-  
plis, posse ac debere ad hoc vitæ genus  
amplectendum excitari; imprimis au-  
tem eas quæ otio, aliisque mediis ac  
subsidiis ad studia Litterarum præ cæ-  
teris sunt instructæ. Et quia præstat  
ab ipsa infantia melioribus studiis  
mentem imbui: igitur ipsos parentes  
primariò instigandos, atque sui officii  
seriò admonendos esse putamus.

EPISTO-



## EPISTOLÆ

Aliquot de eodem Problemate, inter  
excellentissimam Virginem

ANNAM MARIAM

A SCHVRMAN,

ET

D. ANDREAM RIVETVM,  
S. S. Theol. Doctorem.

*Viro Clarissimo*

D. ANDREÆ RIVETO, S. D.

**Q**UOTIES mecum cogito,  
Vir Reverende, in quantum  
me tua devinxerit humanitas,  
quamque apud alios de me senseris  
honorificè, nihil gratius fateor, neque  
felicius obtigit unquam, quam à cul-  
tura etiam tenui, tam uberes fructus.  
Atqui jam mirari desinet, quænam ad  
tanta mihi concilianda bona impule-  
rit ratio, quicumque eas in te novit

C 3

vir-

38 A. MARIÆ à SCHVRM. &c.  
virtutes ac colit; cumque vagæ hac  
tempestate stellæ & caducæ plerum-  
que sint, converterim me ad unicum  
hoc amicitiarum firmamentum. Nec  
tamen adeo seculi hujus ignara sum,  
ut credam malevolorum existere ne-  
minem, qui vana ostentandi ingenii  
spe, huc me adductam fuisse asseveret:  
sed Deus mihi testis est, quam ob in-  
stitutum vitæ genus habuerim sco-  
pum longè ab ejusmodi ambitione a-  
versum. Hæc quanquam feram levius,  
quorum aliter conscia mihi sum, gau-  
deam tamen te, nullum reliquisse scru-  
pulo locum: quippe qui, pro animi in  
me candore, tam benignè interpreta-  
tus es omnia, ut spem certè hætenus  
quam in te uno magnam conceperam,  
fefelleris nunquam. Hinc igitur, au-  
gescente nimirum fiducia, fas amplius  
non puto te quicquam studiorum  
meorum vel nugarum potius, celare.  
Annus nunc, aut circa est, ex quo li-  
bellum conscribere Gallicè (quod  
nempe virginibus quam maximè pro-  
bari linguæ illius lepos ac elegantia so-  
let)



let) conatus aliquis fuit: in quo optimam otio nostro fruendi rationem iisdem persuadere (licet ab effectu magis quam à viribus) contendam. Quoniam verò præter ordinem in partibus ejus excultum est nihil, nec alio loco imagines inventionesque quam umbræ ac tenebræ habendæ sint, nondum eum censui censura tua dignum, ut tantæ nimirum lucis minimè capax. Nescio tamen quo occulto Genii ductu ad te, utique ducem suum & auspiciem futurum properet, imò aliquando, si Deus faverit, per omnia obstacula perventurus. Illum intereà intimis venerabor precibus, ut diu incolumem te cum tuis omnibus fervet, singulorum exemplo, atque omnium hoc est Ecclesiæ suæ ornamento. Vale vir candidissime, & me inter amantes ac colentes tui haud postremam cense, Trajecti XII. Idus Ianuar. Anno. CLOLO CXXXII.

*Tibi, ac perinde optimo cuique placere studens,*

ANNA MARIA à SCHVRMAN.

40 A. MARIAE à SCHURM. &c.

Excellentissima & eruditissima Virgini,

A N N Æ M A R I Æ

A S C H U R M A N ,

S. P.

**N**obilissima virgo. Si laudes tuas apud  
alios deprædicaverim, feci quod de-  
bui. Neque enim est ingenui & candidi pe-  
toris, intus premere & apud se solum ad-  
mirari, quod aliis si innotescat, & hono-  
rificum est ei cujus dotes laudantur; &  
aliis utile esse potest, tum ut exemplo ad  
honestam emulationem incitentur; tum  
ut Deo adscribant grati, quod sexum  
etiam vestrum ornaverit tali splendore.  
literarum & bonarum artium: documen-  
to præsentibus & posteris, non ingenii aut  
judicii defectu plerasque fæminas talia  
non tractare, sed quod animum ad ea ap-  
plicare nolint, vel non liceat per alias &  
humiliores occupationes, nec etiam expe-  
diat multas hoc vitæ genus eligere, suffi-  
ciatque si nonnullæ ad id speciali instinctu  
vocatæ, aliquando emineant, maximè hoc  
tempore, quo plerique adolescentes viri,  
studia

*studia potius profitentur, quam seriò colunt, & solo nomine contenti, rem ipsam contemnunt: quos certè, à talibus, qualis tu es, argui juvat, & rubore perfundi. Hæ me causæ moverunt, ut ea quæ modestia tua penè occultat, in aperto ponerem, quantum in me fuit, quod etiam data occasione, facturus sum. Addo, quod mihi præterea in ea re consulo, qui certè gloriôr, non immerito, quod tali ingenio, tali pietate puella, ultro amicitiam meam ambi-rit, & me tam benignè ad hanc communicationem provocarit. Quo beneficio ita me sentio commotum, ut de facie hætenus ignotam, affectu tamen paterno prosequar, cujus effectus utinam aliquando possim, producere! Dabitur, si Deus voluerit, occasio, ut præsens præsentì cor aperire possim, & vultum contemplari quem tam elegans ornat ingenium. Addo, tam candidum, & de se tam modestè sentiens; quam virtutem hætenus non audiui quemquam tibi ereptam velle. Me quod attinet, existimavi te, potius in defectu peccare, quam in excessu, nisi defectum etiam illum ad perfectionem facere existimarem. Reddidi*



42 A. MARIÆ à SCHVRM. &c.  
tuos versus Gallicos Principi Elisabethæ,  
quos, me prasente, legit & laudavit, pro-  
misitque se, manu sua, gratias acturam.  
Opusculum autem quod in eadem lingua  
meditaris, rogo ne patiaris diutius à me  
desiderari: Legam avidissimè. Et si quid  
sit in lingua quæ mihi est materna, tibi ad-  
scititia, de quo monenda sis, agnosces can-  
dorem meum & παρρησίαν. Quamvis non  
existimem censura opus esse, postquam spe-  
cimina vidi styli tui, quæ mihi admodum  
placuerunt. Non dubito quin intellexeris  
me, post bimestre Hagam migraturum, ubi  
nova me occupatio vocat, & in qua mihi  
repuerascendum, sed cum magno puero,  
quem si virum dare possim Patriæ & Ec-  
clesiæ, operam meam non malè collocatam  
putabo. Sive ibi vivam, sive alibi, habe-  
bis me semper dum vivo,

Virtutum Tuarum, in primis eximiæ pie-  
tatis & modestiæ tuæ admiratorem,

Lugd. Batavor.

Kalend. Martii

Cl. Io C XXXII.

ANDREAM RIVETVM.

Viro

*Viro Clarissimo, & Patri in Christo  
venerando,*

D. ANDRÆ RIVETO,

S. P.

**N**IL mihi gratius accidere potuisset, (vir reverende & in Christo venerande Pater,) quàm quod intelligam te quantulumcunque nobis in neptem vestram conferre per nostram mediocritatem licuit, animo tam benevolo completi. Quòd si rem ipsam per se pensitare velles, parum id profecto fuit: sin verò affectus nostri propensitatem, nihil utique accessit quod non antiquo amicitix nostræ jure vobis deberi existimem. Libellos quibus Bibliothecam meam exornare voluisti, hilari, ut par erat, fronte, accepi; munus sanè mihi pergratum, sive ad personam donantis oculos convertam, sive ad ipsum argumentum, hoc est triumphi tui materiem. Quid referam? nihil prorsus ad manum est quo redhostire valeam, etiamsi maximè velim:  
nisi

44 A. MARIÆ à SCHVRM. &c.  
nisi fortè putetur is qui gratiam habet,  
retulisse. Insuper non minus benefi-  
cium arbitror, quod cum omnibus  
meis studiis juvandis, tum & dubiis  
gravioribus solvendis operam tuam  
polliceri non dedigneris. Magni cer-  
tè, prout decet, facio tuum judicium:  
quod ubi non satis percipio, anceps  
hæreo, & quasi suspenso pede cogor  
incedere. Illud autem in re non levi  
(ut quæ officium ac conditionem vir-  
ginei ordinis maximè tangit) jam du-  
dum avidè desidero, nec quicquam  
mihi antiquius aut gloriosius fore cen-  
seo, quam ut sententia & quasi rescri-  
pto tuo, mea confirmetur opinio. Sin  
verò aliter sentis, non me pudebit se-  
cus edoctam receptui canere. Dubi-  
tandi autem mihi quid hac in re in uni-  
versum statueres ansam præbuere tuæ  
olim ad me datæ literæ, in quibus post-  
quam de me meisque studiis multa, ut  
soles, amanter ac honorificè deprædi-  
casti, ita scribis: *Nec forte expediat mul-  
tas hoc vite genus eligere; sufficere si  
nonnullæ ad id speciali instinctu vocatæ*  
ali-



*aliquando emineant.* Quòd si hic matronas rebus œconomicis implicitas, aut quascunque alias rei familiari necessario consulentes intelligimus, pro-  
tinus assentior: si autem ingenio præ-  
ditas puellas liberaliusque educandas, quales ætas nostra producit quam plurimas, difficilius accedo. Movet me ingens scientiarum admiratio seu legis communis æquitas, ut in nostro sexu rarum esse non feram, id quod omnium votis dignissimum est. Nam cum sapientia tantum generis humani ornamentum sit, ut ad omnes & singulos (quoad quidem per sortem cujusque liceat) extendi jure debeat, non video, cur virgini, in qua excolendi sese ornandique sedulitatem admittimus, non conveniat mundus hic omnium longè pulcherrimus. Nec causa est, quare ab ejusmodi mutatione sibi metuat Respublica, siquidem literarii ordinis gloria nihil officit dominantium Luminibus. Imò contra, omnes ad unum consentiunt, eum tandem statum fore florentissimum, qui plures  
sub-

46 A. MARIÆ à SCHVRM. &c.  
subditos, non tam legibus, quàm sapientix parentes habiturus sit. Adde quod neque virtuti, neque ipsi eruditorum choro suus honos constare, aut dignitas potest, nisi pars potior sit eorum, qui non tam cæca admiratione, quàm vera æstimatione decus & splendorem literarum suspicere norunt. Sed ne in propylæo diutius hæream, ad ipsum controversiæ statum accedo; quo bene constituto universa rei patefcet veritas. Quæstio est igitur principalis: Num virgini, hisce temporibus potissimum, conveniat literarum bonarumque artium studium? Mihi quidem cur affirmativa magis allubescat, haud levibus adducor argumentis. Etenim, ut à jure civili telam ordiar, memini me legisse aliquando, teste Vlpiano, fœminas ab omnibus officiis civilibus seu publicis remotas esse. Qua autem æquitate hoc sancitum sit jam non operosè disquiram, saltem, non obscurè inde puto probari, otium in quo degimus laudatum esse legitimumque. Hinc videlicet nobis larga  
tempo-

temporis copia, & Musis amica quies; maximè verò cum speciali quadam prærogativa nobis contingat liberior ab operibus necessitatis vacatio, tum à curis negotiisque domesticis immunitas. Verùm enimverò amplum hoc & inane vitæ spatium, ubi per luxum & negligentiam defluit, ubi nullæ rei bonæ impenditur, fit omnibus vitiis opportunum. Egregiè Basilius *ἀργία κακουργίας δεχί*. Et quoquomodo hanc Charybdim evitemus, nunquid paulatim effœminatur animus, & in similitudinem otii & pigritiæ, in qua jacet, solvitur? Quid igitur? Ecce viam inter scopulos aperit sublimioris animi cultor Seneca. Qando, inquit, soli omnium otiosi sunt (hoc est otio suo optimè fruuntur) qui sapientiæ vacant, soli vivunt, neque enim suam tantum ætatem benè tuentur, omne ævum suo adjiciunt. Non enim otium à rebus optimis, sed in otio res optimas quærere oportet: Sic neque molestiam, neque fastidium nobis creabit altior in recessu tranquillitas. Duæ  
quip-



48 A. MARIÆ à SCHVRM. &c.  
quippe res (ut ait Cicero) quæ languorem afferunt cæteris, sapientem acuunt, otium & solitudo. Atqui solent objicere colum & acum tractare, mulieribus satis amplum Lycæum esse. Fateor quidem non paucis ita persuasum esse, nec non ævi nostri καυχήτες iis passim astipulari. Sed Lesbiam hanc Regulam non recipimus, rationis nimirum vocem quærentes, non consuetudinis receptæ. Quo enim jure, quæso, hæc nobis in sortem cecidere? Divino an humano? Nunquam probabunt hos limites nobis, vel fatales esse, vel ἐξαναγοθέν præscriptos, quo in ordinem cogeremur scilicet. Nam si ab antiquitate testimonium petimus, contrarium evincent tum omnis ævi exempla, tum etiam maximorum virorum autoritas; Vti non minus lepidè quàm erudite ostendit nobilissimum Gornacensium decus in libello quem inscripsit, *L'égalité des hommes & des femmes*. Sed ne quod dicitur actum agam, hisce recensendis supersedebo: Sufficit mihi perspicuis verbis ad-

adstruere, majora nos non decere modo, verum etiam in hoc vitæ genere expectare. Neque enim generosiores indoles tam arctis cancellis sese coërceri: neque semper altioris ingenii acumina, infra naturam suam se deprimi patiuntur. Mihi sanè, si hæ leges Draconis obtinere deberent, non adeo mirum vderi posset nonnullas aliquando mundi blandientis illecebris abripi ob vilioris hujus pensi contemptum. Accedit quod nullus honos, nulla dignitas, nullum denique virtutis præmium, quibus animæ non degeneres ad laudabilia sectanda potissimum impelli solent, hic nobis spem sui relinquat. Frustra jactamus nostram quam à majoribus accepimus nobilitatem, siquidem mox eandem ignava involuit obscuritas. Hinc est, quod in historia legenti longissimo sæpe temporis tractu, nostri nominis monumenta non magis comparent, quam navis per mare transeuntis vestigium. At, inquier, unde vobis gloria? Vnde immortalitas? Nunquid

D

etiam

50 A. MARIÆ à SCHVRM. &c.  
etiam ab otio? Quidni? Sed ab otio  
scientiarum lumine illustrato. Nobis  
enimverò non tam armatæ, quam to-  
gatæ Palladis præsidio clarescere de-  
corum est. Cæterùm ubi vera Philo-  
sophia mentis nostræ solium occupa-  
vit, nullus vanis aut vagis animi flu-  
ctuantis agitationibus usquam patet  
aditus: Quod & insignis omnis poli-  
tioris literaturæ patronus Erasmus,  
ubi de Educatione filiarum Thomæ  
Mori differit hisce verbis disertè nota-  
vit: Nulla res, inquit, sic totum puel-  
læ pectus occupat ut studium. Quo-  
modo enim mundi hujus choragium,  
exemplorum speciosam authoritatem  
& sæculi impotentis vanitatem, non  
tutò sperneremus, cùm ex alto sapien-  
tiæ fastigio hæc terrena despicimus?  
Deinde, cum non minus ad officium,  
quam ad foelicitatem omnium perti-  
neat, ad primigeniæ nostræ originis  
perfectionem (à qua nemo nostrum  
non defecit) contendere, utique alla-  
borandum est, ut in suprema mentis  
nostræ Regia imago illius qui lux &  
veri-



veritas est, magis ac magis relucere incipiat. Quamvis autem Theologiam (ut quæ intellectum maximè perficit) hic utramque paginam facere non inficior: tamen nescio quomodo mihi tantæ Reginæ majestatem non satis perspexisse videntur ii, qui eam solam incomitatamque incedere volunt. Et enim quando rerum naturalium volumen introspicimus, quis non videt quam pulchra inter se harmonia conveniant utriusque hujus scientiæ partes? quantum altera alteri subsidii adferat, quantum luminis? Nec quicquam nos morari debet quod quidam tam angustis lineis hoc studium includunt, parum nostra interesse existimantes, Num hæc mundi machina ex atomis confluerit? Num ex Chao informi emerferit? Num corpora quædam cœlestem sortiantur naturam, quædam terrenam? Num suprema mundi moles in gyrum volvatur, an verò vertigine laborent ii, qui non supremam sed infimam circumagi contendunt? Num sol occidens immerga-

52 A. MARIÆ à SCHVRM. &c.  
tur Oceano? Num & antipodibus lumen suum debeatur? Num terra figuram acceperit quadratam, vel rotundam? Num denique universus hic orbis horizonte terminetur? An verò oculorum nostrorum acies? Tales voces quæ in dedecus nostrum vulgò jactantur, si nobis essent audiendæ, etiam per nos liceret, Deum omnium conditorem, qui ad pulcherrima sua opera illustranda, cognoscenda, celebrandaque nos in hoc Theatrum introduxit, suo fine frustrari. Neque enim natura nobis usque adeò noverca fuit, ut inspectione sui nobis interdicare voluerit. Quorsum alioqui nobis indidisset illud, quod omnibus hominibus inesse affirmat Philosophus sciendi desiderium? Quorsum staturam dedisset erectam, nisi ut in contemplationem sui oculos & mentes quoque nostras erigeret? Vtique stipites essemus, non homines; hospites non incolæ hujus mundi, si ad tam pulchra, tam augusta, in quibus æternæ divinitatis refulget Majestas, non afferremus animum excitatum,

rum, & velut divino amore accensum. Nec est quod putemus nos officio egregiè defungi, modo hæc aliquoties quasi per transfennam aspiciamus. Ita enim non ut cognoscamus, videmus, sed hoc ipso nos non videre ostendimus, quod ulterius cognoscere non cupimus. Nihil oculis nostris subjicitur homine mirabilius, Nihil animæ domicilio pulchrius: At quantulum illud est quod sola cuticula, aut externa tantum specie æstimatur? Quam misere nobis erubescendum ad tam præclaros Ethnicorum hymnos, quibus illi passim dum altius naturam rimantur, & rimando propius ad primam omnium causam accedunt, laudes summi opificis decantare solent. Præterea quotiescunque ad sanctarum literarum fidus animo convertimur, quis negabit nos tot exemplis sanctorum hominum, qui hinc Deum suum celebrandi materiam arripuerunt, ad ejusdem gratitudinis præstationem obligari? Cæterum, ut nihil jam in genere dicam de historiarum studio, quod hodie fere in



54 A. MARIÆ à SCHVRM. &c.

gynæceis & magnatum aulis obtinet, tantum obiter lustrabimus num & privato cuique conveniat rerum publicarum notitia? Ad praxim quidem usumque Reipublicæ illam directè conferre facilè concesserim : tamen propter theoriam fructusque peculiare, qui inde ad singulos redundant, eam nemini negligendam esse putamus. Præeunt & hic nobis sancti Codices, nec præeunt tantum, sed nos eo manu ducunt. Ibi temporum series per Monarchiarum connectuntur periodos ; Ibi maximorum populorum tum ortus, tum interitus, vel describuntur, vel prænuntiantur ; neque mirum, cum stupenda Dei judicia quæ nos jugiter observare par est, splendidioti in materie appareant ; cumque hæc universa in unius hominis ætatem incidere nequeant, si Deus hoc studium omnibus cordi esse voluerit. An non & cytharas nostras excitabit admirandi hujus regiminis contemplatio ? in quam regius psalter tota mente defixus, nusquam non exclamat. מה גדלו מעשיך יהודה מאד עמקי מהשכנתך

Forſan

Forſan hic objiciat aliquis, Totum hoc nihil aliud eſſe, quam vitam commendare monaſticam, vel ſpeculatione ſola officii noſtri terminos circumſcribere. Verùm ſic ratio poſtulare videtur, ut prius nobis ipsis, quantum ad noſtri ipſius felicitàtem ſatis ſit, proſpiciamus : deinde proximo. Fruſtra enim aliis vacandi partes ſibi deſumet is, qui ſibi ipſi nunquam rectè vacavit. Fruſtra aliis conſilio, aut factis prodeſſe ſataget, qui ſibi ipſi prodeſſe nequit; Fruſtra denique ad converſationem civilem, ſive *ὑψηλοτέρης* Chriſtianorum *πολιτείας* vinculum adſpirabit, qui domi ſuæ peregrinus eſt. Quænam obſcuro temeritas foret ignorantia, aut vulgi opinionibus ſuperſtrucere velle totam illam *οἰκονομίαν* moralium virtutum: immo ſi caſum excipias, omnis ævi exempla docent, tantis Divis, niſi magna & ſolida ſcientia inſtructus accedat, felicitàter litare neminem. Illa nimirum nos præparat, diſponit, redditque idoneos ad bene agendum, & ad molimina præclariorum facinorum

56 A. MARIÆ à SCHVRM. &c.  
mentem attollit. Rursum nihil virgini  
utilius, nihil magis necessarium quàm  
turpe a bhonesto, noxium ab innoxio,  
decorum ab indecoro, discernere. Ve-  
rumtamen id ipsum quanta rerum pe-  
ritia, quanta dijudicandi dexteritate in-  
diget? Atqui cum hujusmodi pruden-  
tiam usu discere non ex usu nostro, ne-  
que satis tutum sit, utique ad historiam  
nobis confugiendum est, ὡς περ ἐν ἰστορίῳ  
κωσμεῖν ἔ ἀφομοιεῖν πρὸς τὰς τ᾽ ἄλλων δρετὰς  
τ᾽ βίον. Nos inquam, quibus, ubi vel  
è sequiore suspicione labes cœpit ad-  
hærescere, cum bona fama in gratiam  
redire licet nunquam: adeò nimirum  
puellis cura incumbit, non tam decli-  
nandi mala, postquam irruère; quam,  
ne obruant aliquando, præveniendi.  
Denique ut jam silentio præteream ar-  
tes scientiasque (ut vocant) instrumen-  
tales, (quippe quæ principales tan-  
quam pedissequæ reginam suam ne-  
cessario sequuntur) non possum, quin  
verbulo attingam, quibus in delitiis  
nobis esse debeat πολυγλωττία, præfer-  
tim si ad usum, non ad ostentationem  
habea-



habeatur. Linguæ enim, fidi custodes sunt, immo interpretes eorum quæ nobis sapiens reliquit vetustas: quæ ubi in suo idiomate nobis loquitur, genuinam animo exhibet sui imaginem, & mira quadam gratia ac lepore sensum nostrum afficit: quod jure merito in omnibus versionibus, quantumlibet optimis, desideramus. Quam porro jucundum, quamque frugiferum sit ex ipsis fontibus doctrinam cœlestem haurire, explicare, probare, si apud te perorare vellem, nihil aliud esset quam, quod in proverbio dicitur, ἡλίω τὸ φῶς δαυεῖσθαι. Sed ut colophonem tandem his imponam, unum exemplar, quod semper animo meo obversatur, hic afferam. Vnum, inquam, exemplar Principissæ incomparabilis Ioannæ Grayæ: cui nulla gens, nulla ætas (cum omnium pace dixerim) parem suppeditabit. Michael Angelus, Florentinus, qui vitæ necisque ejus historiam plenè ac patheticè describit in colloquio, quod ipsi cum Fecknaimo, vicinæ mortis nuntio, intercessit, hæc

58 A. MARIÆ à SCHVRM. &c.

inter alia notavit : illam scilicet posthabitis, quas prætereà insignes à Deo acceperat, dotibus, & sanguinis nobilitate, & formæ decore, & florentis ætatis juventa, quibus cætera gloriam ac gratiam in hoc mundo sibi comparare potuisset, magno animo pronuntiasse, sibi nihil in omni vita tam gratum fuisse, quàm quod trium linguarum, quas eruditorum vocant, notitiam haberet. Quòd si voluptas sive oblectatio, quæ nobis ab illa re obvenire in hac vita potest, veræ fœlicitatis nomine venire debeat, se fateri eam sibi in bonarum literarum & præsertim sanctæ scripturæ studio obtigisse. Et licet in fœmina hujusmodi studia non pauci magnopere vituperent, se tamen ob magnum animi solatium, quod inde tandem percepisset, & etiamnum intus persentisceret, illorum sententiam à ratione dissonam judicare. En voces cygneas, non sub umbra scholarum, sed sub postremum gloriosissimi Martyrii actum prolatas, quas oraculi vice quis, obsecro, non veneretur? Et hæc quidem

dem de rebus minimè ludicris apud te  
garrere non dubitavi, freta nimirum  
paterni tui erga me amoris indul-  
gentia. Sed abrumpo, ne nihil non  
dicere voluisse, aut tuarum occupatio-  
num prorsus immemor fuisse videar.  
Vale multis nominibus mihi chare pa-  
ter, & conjugii tuæ dilectissimæ meis  
verbis salutem impertiri ne graveris.  
Trajecti, VIII. Idus Martis, c l o l o c  
X X X V I I I.

*Quæ à nutu tuo tota pendet*

ANNA MARIA à SCHVRMAN,

*Nobi-*



60 A. MARIÆ à SCHVRM. &c.

*Nobilissima & in omni virtutum genere  
excultissima Virgini,*

A N N Æ M A R I Æ  
A S C H V R M A N

S. P.

**D**Issertatio tua elegantissima pro  
tuo sexu, & ingeniorum mulie-  
brium ad omnes liberales artes  
& scientias capefcendas aptitu-  
dine, virorum ingenia adæquante, forsan  
& superante, me aliquandiu suspensum  
tenuit. Ab una parte pudebat vadimo-  
nium deferere, & causam nostram inde-  
fensam relinquere. Ab altera ingratum  
erat ei adversari, cui potiùs manum dare  
animus esset, à qua etiam vinci jucundum  
& suavissimum, præsertim cum id agas  
summa cum modestia, nec tamen quic-  
quam omittas eorum quæ ad causam tuam  
faciunt, oratione disertissima & argumen-  
tis densa. Occasio tibi enata est ex meis ver-  
bis in quadam Epistola, in qua cum institu-  
tum tuum laudarem, & profectum admi-  
rarer, non patiebar id commune fieri, quod  
tibi

tibi & paucis aliis proprium existimabam. Noluisti ergo ferre ut inter admiranda referrem quod in te videmus. Plurimum hoc esse voluisti, ut in turba lateres, & nihil tibi singulare tribueretur. Multum vales ad persuadendum, sed hic tamen frustra es: Neminem qui te novit in sententiam tuam es pertractura. Sed hoc etiam est modestiæ tuæ, quod aversos à tuis virtutibus cupis omnium oculos, ut in alios plures se convertant. Ignosce mihi, si dicam rem verba tua non secuturam, nec si à nobis obtineas quod moliris, posses in sententiam tuam pertrahere mundum muliebre. Itaque aut sola pugnabis, aut cum paucis, ab aliis omnibus deserta, quarum nec ingenia, nec mens ad talia inclinat. Dices voluntatem deesse non facultatem, quod etiam in viris accidit. In quibusdam non negarem, sed tamen si mores & studia sequuntur temperamentum corporis, certum est autorem naturæ, ita efformasse diversos sexus, ut significaverit se ad alia destinasse viros, ad alia mulieres. Non ignoras qua ratione sagax Ithacus à filiabus regis hospitis Achillem, quantumvis indutum amictu

*amic̃tu muliebri, discreverit. Non dicam  
 cum veteri Poëta, dedit natura τοῖς ἀνδράσι  
 Φρόνημα γυναιξὶν ὅν ἐῖχε. Neque tam ini-  
 quus sum sexui vestro, nec ita Deo inju-  
 rius: sed hoc certum mihi videtur, civi-  
 lem prudentiam ut plurimum aliam esse  
 debere à muliebri, & descriptionem mulie-  
 ris fortis & strenua, quam Spiritus Dei  
 per Salomonem laudat, ita institutam esse,  
 ut à studiis eorum longè distent, quæ ei ma-  
 ximè laudanda tribuuntur. Hypothesis  
 mea quam ponis hæc fuit, nec fortè expe-  
 diat multas hoc vitæ genus eligere, suf-  
 ficit si nonnullæ ad id speciali instinctu  
 vocatæ, aliquando emineant. In quo?  
 Nempe in studiis Philologicis, Philosophi-  
 cis & similibus, ubi agitur de variarum  
 linguarum peritia, & de tota illarum disci-  
 plinarum congerie quam ἐγκυκλοπαιδείαν  
 appellant. Ego etiamnum in mea senten-  
 tia persto, nec expedire, neque è re esse. Iam  
 multum est quod protinus, ut ais, assentiris,  
 si matronas intelligam æconomicis rebus  
 implicitas, aut quasunque alias rei fami-  
 liarī necessario consules. Certè quibus  
 id incumbit, maximam vestri sexus par-  
 tem*



tem faciunt: reliqua præ his exigua est portio. Nec etiam puto te velle, omnes quæ à necessaria rerum domesticarum cura sunt exemptæ ad literarum studia idoneas esse. Itaque, si quod scripsi tantum spectes, nulla erit inter nos controversia, aut perexigua erit, etiam si quæstio agitetur, quam postea principalem statuis. Num virgini, hisce temporibus potissimum conveniat literarum bonarumque artium studium? Nisi Virginis nomen indefinite positum universaliter intelligas, vel communiter accipias. Alioquin id de nonnullis facile concessi, ad id speciali instinctu vocatis. Quid si addam id etiam me concedere de quamplurimis, vel expetere? Sed vellem id studium prius limitari quousque procedere deberet, quibus in artibus & scientiis subsistere, qua ratione institutum esset & promovendum, ut etiam in eo locum habeat, ne quid nimis. Vellem præterea, muliebrium studiorum finem constitui, quo posito ea seligerentur quæ ad eum finem essent idonea vel necessaria. Nam cum extra controversiam positum sit, sexum fœmineum ad munia Politica &

& Ecclesiastica, maximè ad publicè docen-  
 dum non esse idoneum, cur de ea eruditio-  
 ne acquirenda laborarent virgines, quæ  
 ad eos fines spectant à quibus arcentur?  
 Nisi fortè paucas excipias, quæ in nonnullis  
 populis ad successionem regnorum, ubi mas-  
 cula proles deficit, admittuntur. Docere  
 (ait Apostolus) mulierem non permitto,  
 neque auctoritatem habere in virum: sed  
 esse in silentio. Id si mulieribus injunctum  
 sit, virgines maximè decere non ibi infi-  
 cias, proinde, nec eis opus esse exacta eru-  
 ditione quæ spectat rationem bene dicendi,  
 si usum respicias; nisi fortè id objicias, quod  
 etiam facis, ad id profuturam bene dicen-  
 di artem, ut de aliorum qui praxim illam  
 exercent, industria judicet. Sed apud quos?  
 illud enim judicium premere debet præ  
 honesto pudore. Idem dicam de arte disse-  
 rendi: mihi enim id facile dabis, non satis  
 convenire cum omnibus moribus virgi-  
 neis argutias captare, & inter disputan-  
 tium greges contentionis funem ducere:  
 Sufficiat si naturali solertiæ usus aliquis,  
 & experientia accedat tam ex communi  
 conversatione, quàm ex publica in Ecclesia  
 insti-

institutione, in qua eis non denegatur, λόγος ἀρετῆς. Quod autem ex eo infero, eas ad disciplinas, vel aptissimas esse, vel saltem iis commodis abundare, quæ viris non suppetunt; quia in otio honesto versantur, exemptæ civilibus curis, id mihi non videtur evincere quod intendis. Primò, quia si spectemus eam ætatem quæ ad discendum est aptissima, virilis sexus est in pari gradu usque ad μέτρον ἡλικίας, antequam non admoventur publicis curis. Secundò, quia in tali otio non debent educari virgines, ut possint semper vacare ingenii culturæ; habent enim & illæ quod agant domi, quandiu sunt sub parentum potestate, ita ut non possint illud otium sibi adscribere, de quo Seneca, otium sine literis mors est & vivi hominis sepultura. Nec tamen omnes ad colum & fusum damnare vellem, ita ut graviores curas nunquam admitterent, quamvis id non sint dignatæ Principes olim fœminæ, sive apud Græcos, sive apud Romanos, sive Ethnicos, sive Christianos. Non existimo tibi non letum fuisse elegantem Ludovici Vivis de fœmina Christiana libellum: Perpende so-



des lib. I. cap. III. totum de primis puellarum exercitamentis: ibi videbis in laude semper fuisse positum, si non solum matrona, sed potissimum virgines, etiam Regiæ, se occuparent in iis opificiis, quæ manuum operationem requirunt, etiam iudice Spiritu sancto. Nec ideo tamen in aliud illud extremum imus, quod nec ille fecit, qui quartum caput adnectit de doctrina puellarum, in quo eleganter & solide questionem illam pertractat; Quanam eruditio sequiori sexui conveniat? Mihi enim non succensebis, quamvis reluctante Gornace-na, si cum Apostolo censeam, τὸ γυναικῶν οὐκ εὖ οὐκ ἀδελφείῃ, si in Vivis sententiam pedibus eas, facile inter nos conveniet, nec vobis invidebimus Sempronias, Cornelias, Lælias, Mutias, Cleobulinas, Cassandras, Hortensias. Non Christianas Enonias, Paulas, Albinas, Pellas, Zenobias, Valerias, Probas, Eudocias. Non Grayas, non Olympias Moratas, & quas-cunque veteribus addere volueris, quæ nostra, aut patrum nostrorum memoria, sexum vestrum decoraverunt: Dummodo id constet apud omnes raras esse aves in terris:

terris : non quòd fortasse plures esse non possint , sed quòd neque sit ex usu, neque è re publica ; quodque in viris commune esse debet, in fæminis, si spectemus Reipubl. & Ecclesiæ commodum, sit minus frequens & prodigii instar, quale id fuit olim, quod mulieres visa sunt in armis stare & viris occurrere in acie, atque dimicare. In populo Dei rara fuerunt Debora, & Iaëles : nec satis fæliciter cessit Ioannæ Lotharingæ hæc palæstra, quam vivicomburio addixerunt Angli, quantumvis Aurelianensibus nostris velut altera Pallas colatur, cuius tamen pudicitia, etiam inter ejus adoratores in ambiguo est. Sed id genus vitæ asserendum non suscepisti, sat scio. Aliud est quod moliris & convenientius, fateor. Sed priusquam persuadeas, vellem ut mihi institueres collegia mulierum eruditarum, in quarum Academiis virgines illæ, quas his studiis addiceres excolerentur. Vt enim sint omnes ἀνδιδάκτραι, vel parentes domi habeant, qui id in se suscipiant, quod tibi fæliciter contigit, non facile ipsa admittes. Nec tamen deceret eas virorum scholas, mixtim cum pueris frequentare. Ipsa mihi

hoc ipsum concedes, quantum vis literarum bonarum studium & linguarum, præsertim earum in quibus verbum suum nobis consignavit Deus maximo sint adjumento iis qui verum Spiritus sensum eruere debent, non cuivis tamen dari ex ipsis fontibus immediatè haurire, nec eo quosvis pollere iudicio, ut possint ambiguas voces, vel phrasas ita distinguere, & aptissima seligere. Multis salubrius esse, si rivi sint contenti, quibus sæpe id evenit, ut quæ in vulgari sua lingua habent ab aliis parata, dum humiliter & demissè, invocato Dei nomine, legunt attentè, eos sensus investigent & eliciant qui linguarum peritissimos latuere. Non tamen id propterea dico, ut laudes earum imminuam, quæ usque ad eò tecum profecerunt, ut codices sacros sua lingua loquentes possint intelligere. Sed ne ea quibus uteris argumenta scrupulum injiciant earum animis, quæ desperant se paria vobiscum facere posse. Opera Dei magnifica, de quibus Psaltes, celebrari possunt ab omnibus, quamvis pauci sint qui cælorum rotatus, planetarum aspectus, & stellarum influxus, aut similia ad unguem noverint.



verint. Imo sæpe accidit, ut qui in talibus  
 maximè versati existimantur, à Deo defle-  
 etere videas, ut natura omnia tribuant:  
 Et contra, qui simplici aspectu utuntur, ad-  
 mirabilia Dei opera attoniti celebrent, &  
 in eorum autore toti acquiescant, quando  
 doctissimi quique in talibus frustra ingenia  
 sua fatigant, & post longas disquisitiones  
 vento pascuntur, de quorum sapientia il-  
 lud sapientissimi regis interpretor, כָּרַב הַכֶּמֶה  
 רַב־הָעַם וְיוֹסֵף דַּעַת יוֹסֵף מְכָאוֹב Sed tu veram  
 illam quæris & ambis, quæ in Dei timore  
 & mandatorum ejus observatione consi-  
 stit, à qua absit, ut vel te, vel alias ullas  
 sic animatas deterream vel avocem, qui  
 nihil magis in votis habeo, quàm ut apud  
 nos frequens sit illud à Propheta prædi-  
 ctum, & initio predicationis Evangelicæ  
 ex parte impletum, μετὰ φημίς ἐστιν οἱ υἱοὶ  
 ὑμῶν, & αἱ θυγατέρες ὑμῶν. Gaudeo te in iis  
 esse, & talem mihi filiam contigisse ex vo-  
 to meo & consensu suo, quam ego

Et affectu verè paterno amplector, & ea obser-  
 vantia colo quam ejus virtutes merentur,

Haga. Com. XVIII. Mart.

CLCXXXVIII.

ANDREAS RIVETVS.

F 3

Viro

70 A. MARIAE à SCHVRM. &c.

*Viro Clarissimo, & Reverendo in Christo*

*Patri meo*

D. ANDREÆ RIVETO,

S. P.

QVOD tot tantisque negotiis occupatus, tam copiosè ad nugas meas respondere dignatus sis, vir Reverende & in Christo Venerande Pater, vel imprimis humanitati tuæ debeo. Prima quidem fronte nonnihil me perculit tua sententia, ut quæ causæ nostræ non parum videbatur adversari: verum omnibus penitus perspectis, intellexi eam quoad summam, quam optimè cum votis meis convenire. Interim tamen non levi dolore me affecit, quod videam meæ in scribendo obscuritatis vitio, aut fortè distinguendi imperitia accidisse, ut longè diversum à mea mente impresserim animo tuo sensum. Quasi scilicet invidiosæ ac vanæ assertioni de nostri sexus, cum vestro collati præeminentia adeò impensè faverem, ut illam apud te (cujus pretiosissimo tempori, vel tantillum detrahare penè religio est) otiosè

se ventilare auderem. Nam ita te accepisse percipio totum quem contra morem hodiernum institueram controversæ statum. *Num virgini hisce temporibus potissimum conveniat literarum bonarumque artium studium.* Hic, vocem *potissimum* sic interpretaris, quasi eam non comparatè usurparim ad occupationes, sive curas hodiernæ consuetudinis receptas: sed collatè ad sexum vestrum: adeoque fœminas quam viros ad studia aptiores esse contenderim. Quæ si statuatur hypothesis, non modo diluta & insulsa videri, quæ pro mea thesi adduxerim argumenta, sed & novæ ac fastuosæ vanitatis meritò in simulari queant. Tantum verò abest, ut hoc cum virginali modestia, aut saltem innato mihi pudore congruere arbitrer, ut vel perlegere pigeat tractatum cætera insignem *Lucretiæ Marinella*, cui titulum fecit, *La nobiltà e l'exclenza delle donne con diffetti e mancamenti de gli huomini.* Nobilissimæ Gornacensis dissertatiunculam: *De l'égalité des hommes & des femmes*, uti ab



72 A. MARIÆ à SCHVRM. &c.

elegantia ac lepore improbare minimè  
possum : ita eam per omnia compro-  
bare nec ausim quidem , nec velim ; li-  
cet ad sapientum testimonia , quæ illa  
nobis exhibuit , brevitatis causa provo-  
carim. Ego sanè si quæ in nostro ordi-  
ne virtutes prædicari jure debent , eas  
partes vobis egregiis virtutum præco-  
nibus deferri maximè cupio. Siquidem  
nobis solius conscientix theatrum ab-  
undè sufficere par est. Scopus autem  
quem hic intendi non alius omnino  
fuit , quam ut tuum de otio nostro  
quam optimè impendendo judicium  
distinctè exacteque cognoscerem. Id-  
que quo facilius assequerem , è tuis ver-  
bis , quæ problematicè proposueras ,  
*nec fortè expediat , inquit , plures tales*  
*esse* , occasionem arripui : non ut eorum  
quicquam impugnarem , sed ut in ge-  
nuinum animi tui sensum accuratius  
inquirerem. Subjeci insuper meam ,  
quam æquo consentaneam putavi opi-  
nionem , aut potius in mei similes affe-  
ctum. Argumenta denique varia ad  
mentem nostram illustrandam , non  
alio

alio fine attuli, nisi ut pro tui iudicii acrimonia dispiceres, nunquid tibi contra solitas ignorantiae voces, ac tyrannicas consuetudinis leges valere viderentur. Hæc pauca latius persequenda esse censui, ut de animo meo, quem tibi scio pro omni ratione sufficere, luculenter constaret. Bina quæ mihi legenda indicaveras, *Ludovici Vivis* capita cum præcedentibus magna cum voluptate relegi, ubi revera tam concinna tamque præclara Christianæ fœminæ instituendæ norma præscribitur, ut dignissimam eam judicem, quæ hodie virginum studiis quam arctissimè adhibeatur. Quocirca magnopere mihi gratulor, eum nobis contigisse sententiæ tuæ interpretem, cujus auctoritatem ut alias facio plurimi, sic & in hac causa libentissimè amplector. Vale charissime Pater, & ut nuper redintegrata tua valetudine, diu perfruares, summum numen veneror ac precor. Ultrajecti 1638. pridie Idus Martis.

*Quæ te intimo animi sensu diligit ac colit*

ANNA MARIA à SCHVRMAN.

74 A. MARIÆ à SCHVRM. &c.

Nobilissima, & sine exemplo Virgini,

ANNÆ MARIÆ

A SCHVRMAN,

ADOLFVS VORSTIVS, ÆLII F.

Ω πρᾶτῃ.

**H** Am biennium est, Domina, quod  
nec Vltrajectum viderim vestrum,  
nec te, materna mihi urbis sydus  
splendidiſſimum. Tum verò, quod miran-  
dum multo est magis, nihil intereà loci  
utrinque datum litterarum, quo cœptæ  
pridem inter nos amicitia sacrosanctum  
illud fœdus firmaretur. Quid igitur? pa-  
tiémur ne eam sic intercideret? Μη ᾔποιτο,  
ὦ ζεῦ Φιλίε. Scribo proinde in præſens, &  
Deum principem, qui omnem hunc regit  
mundum, testor, nihil meo in te affectui,  
nihil tuarum venerationi virtutum, tam  
pertinaci ſilentio deceſſiſſe; quin augeri  
hac indies potius ac crescere in nobis, ta-  
citis ſimul augeſcente incrementis divini  
ingenii tui cultu proſectuque. Quod uti  
credas, mitto ejus rei pignus certiſſimum,  
Orationem meam, quam in funere viri  
&



& amici summi, Petri Cunai hisce diebus  
 recitavi. Susceperam equidem id oneris  
 non tam ulla eloquentiæ fiducia, quàm  
 pietatis professione erga defunctum. Quā-  
 quam autem affectui plus debeant, quam  
 arti, aut Rhetorum *μυροῦντος*, quæ dixi-  
 mus; usque eo tamen nonnullis meorum  
 amicorum placuerunt, ut publici ea juris  
 facienda esse existimarent. Dedi hoc quoq;  
 ipsum memoriæ hominis amicissimi; cui,  
 ut vides, nostratium poëtarum nobilium  
 chorus parentare mecum voluit. Vtinam  
 & tu, poëtria non infelix, inter hosce com-  
 paruisses, atq; ipso ostendisses opere, te non  
 erectas modò noviter Academias, sed A-  
 cademiæ etiam extinctæ præclara lu-  
 mina æternitati consecrare posse. Inhor-  
 rui nuper cum te Virginem delicatulam,  
 & quam decent egregia atque polita om-  
 nia, severissima quæque studia, & spino-  
 sa insuper, tractare intellexi. Utque, quod  
 res est, dicam, obstupescit me non vulga-  
 riter *ὀνείδω* & ille, cum imagine tua in-  
 sertus victuro poëmati Belgico viri ma-  
 ximi, nec citra verborum honorem mihi  
 nominandi, Iacobi Catsii, quo varias at-  
 que

que inusitatas industria, doctrinaq; tuæ  
dotes complexus is est, Deus bone! tene  
Virginem intactam, nullum propemodum  
genus disciplina sinere intactum? ipsum-  
que adeò scientiarum orbem invadere  
universum? Relinque Domina, relinque,  
quæso, sexui nostro aliquid, & noli in-  
genio tuo, quanquam capacissimo, im-  
perare nimium. Εἰ μὴ πᾶσιν μέτερον ἄρξον.  
Vtique litterarum quoque, sicut alia-  
rum rerum omnium, quedam intempe-  
rantia est. Cum tamen ad bonam men-  
tem, cui tu præ cæteris rebus studes om-  
nibus, paucis opus habeamus litteris, &  
ex sapientiâ modum tenuisse, summa sit  
sapientiæ. Sufflaminanda es, non in-  
flammanda. Vide libertatem meam, vi-  
de sollicitudinem. Et hanc & illam ve-  
lim habeas tanquam optimi candidissi-  
mique pectoris indices genuinos. Cogita  
non solos te præcones laudum tuarum  
admittere debere, verum honesta etiam  
& salutaria monentes amicos. Haga à  
te præfertur Lugduno, & nostram insa-  
lutatam præteris urbem, in qua tamen  
non minoris te fieri scio quàm alibi. Hoc  
me

me urit nonnunquam. Indulge aliquando tui presentiam nobis, & meam Catharinam, exemplum illud pudicitiae modestiaeque matronalis singulare, quæ mihi non libros, sed liberos hætenus quinq; peperit suavissimos, coram cognoscere ne tibi sit grave. Mea tibi domus semper erit exposita, nec gratiorem hospitem ea exceperit unquam. Vale ac salve, nobilis doctaque Virgo, à me meaque ex animo, & novum hunc, qui præ foribus est, annum felici auspicio ingredi. Certè is qui jam expirat, non Reip. modò, verum & Acad. nostræ verè fatalis atque funestus fuit. Salveat à me præstantissimus quoque Frater tuus. Lugd. Bat. Anno cld Io c xxxviii. pridie Natalis & Θεωρώπης καὶ σωτῆρος ἡμῶν Ἰησοῦ Χριστοῦ.

Viro



78 A. MARIÆ à SCHVRM. &c.

*Viro Clarissimo*

D. ADOLFO VORSTIO,

S. P. D.

ANNA MARIA à SCHVRMAN.

**I**T A est ut scribis, Vir Doctissime,  
fatis diu nostra in scribendo cura  
studiumque cessavit. Nec tamen in  
in eam opinionem adduxisti amicitiae  
tuae fidem, ut illius integritati (quam  
nimis ~~περίεργος~~ premunire studes) quic-  
quam decessisse arbitrer: quippe, cum  
& ego in eadem culpa sim, iudicium  
facile ex animo meo de tua facere pos-  
sum. Lubens vidi orationem tuam,  
qua viro incomparabili parentare vo-  
luisti; nec vidi tantum, sed & magno-  
pere probavi: tum verò maxime quod  
nectare pietatis Christianae Lectorem  
nusquam non perfundat; nec tamen  
ideò, vel minimum, à Romanae elo-  
quentiae puritate recedat. Alios pas-  
sim videas, dum in simili versantur ar-  
gumento, nulla re magis applausum  
coronae affectare, quam si Gentilium  
querelis,

querelis, votis, precibusque (quia scilicet hæc apicem omnis leporis atque elegantix constituunt) auditorum aures obtundant. Omnes (ni fallor) fatebuntur se Ethnicorum sacra detestari : & nihilominus non vident histrionicum esse potius, quam genuinum ornatum, qui personæ, cui adaptatur, minime convenit. Ad nostra studia quod attinet, non adspirant ad tam sublime eruditionis fastigium, ut vestri sexus invidiolam promeruisse videri queant. Vt rapidum flumen trajecturi, etiamsi altiorem cursum primo teneant, longe tamen infra scopum, quem sibi ante proposuerant, appellunt : ita in hoc sapientiæ stadio ad τέλτον τέλτος contendere quidem licet omnibus, pervenire autem contingit paucissimis, quos, scilicet, ut Poëtæ verbis utar,

— *æquus amavit*

*Iupiter, aut ardense exivit ad æthera virtus.*

Omitto nunc quod nos in primis, si vestræ sortis δδαιμονίας hac in parte respiciamus, & ingenii viribus, & sub-

80 A. MARIÆ à SCHVRM. &c.  
subsidiarum adminiculis, ut plurimum, destituimur. Hospitium, quod nobis tam humaniter offers, non recusato : atque adeo me Athenas vestras, quas hactenus saltem ὡς ἐν παρόδῳ, lustravimus, aliquando invisuram, per Dei gratiam, confido. Vale vir eximie una cum uxore tua liberisque lectissimis, & à nobis omnibus quamplurimum salвете. Ultrajecti. prid. Kal. Mart. Anno salutis c l o l o c x x x i x.



A MADAMOISELLE

Mad. Anne Marie de Schurman.

MADAMOISELLE,

*L'Apprehension que j'ai toujours eüe de troubler vos serieuses occupations, m'a faicť taire jusques à maintenant : Mais puis que la disposition de vostre corps, (organe d'un gentil esprit) permet, voire de-mande divertissement d'estude, je prends ceste liberté que de vous saluer par lettres*  
puis



puis qu'autrement je ne puis. Et sur toutes choses je vous recommande, comme Ciceron faict si souvent à sa fille, la santé. Sans laquelle nous ne pouvons servir à Dieu, ni aux hommes, & sommes un fardeau à nous-mesmes. *Studia non sunt inventa ad crucem, sed ad oblectationem.* Keckerman homme tres-docte apres avoir perdu sa sante corporelle, dit, *Mallet fuisset bajulus quam Philosophus.* Plinius ait, *est aliquis morbus per sapientiam mori.* Passage qui est fort vexé parmy les critiques. Nous le pouvons appliquer aussi à cette matiere. Il y a mesme des excès au desir des sciences. & c'est un pesant fardeau que le grand sçavoir. Il y va ne plus ne moins que des riches qui ont autant de peine pour garder ce qu'ils ont acquis, que pour acquérir. Tantost une langue vous eschappe tantost l'autre. En fin Salomon dit, qui s'amasse science s'amasse chagrin. Pieté & la crainte de Dieu est la vraye sapience. S. Augustin dit fort bien touchant les hautes charges de ce monde, *Per quot pericula ad majus pervenimus? Amici autem Dei*

si velimus esse, nunc sumus. Nous pou-  
 vons dire le mesme touchant les sciences.  
 Par combien de fascheries & peines ve-  
 nons nous à des plus grandes? mais si nous  
 voulons estre vrayemēt sçavans il ne faut  
 qu'aimer de tout nostre cœur, celui qui est  
 aimable sur toutes choses. & ce que nos  
 entendemens ne peuvent comprendre, que  
 nos volentes pour le moins aiment & che-  
 rissent. Non que je vous veuille, Mada-  
 moiselle, destourner des estudes tout à faict,  
 mais que vous preniez un peu, de relasche  
 & que vous ne chargiez par trop vostre  
 memoire. Est modus in rebus. tout est  
 mesuré & borné. & en cela mesme gist la  
 beauté de l'univers qu'il y aye des igno-  
 rans, qui par leurs ombres reslevent la  
 clairte des doctes. Prenez la peine, s'il  
 vous plaist, de lire la loüange qu'Erasme  
 à faict de la folie. Car il faut mesme que  
 les choses contraires nous guerissent, com-  
 me les semblables nous nourrissent. Vostre  
 corps devient foible pour estre par trop  
 chargé des choses serieuses. il faut que les  
 plaisantes vous recreent un peu. Je vous  
 envoie (vous le prendrez en bonne part  
 s'il

*s'il vous plaist) l'Idée de la medecine des  
Anciens. qui est faicte par D. Bever-  
vuijck, Medecin de nostre ville. Vale-  
tudinem tuam cura diligenter, & me  
inter æstimatores ingenii tui numera,  
quandoquidem semper ero*

*Tuus omni officio*

Dordrechtii VII.

ANDREAS COLVIVS.

April. cId IoCXXXVII.

A MONSIEVR

D. ANDREAS COLVIVS.

*Monsieur,*

**P**VIS que ce m'est un tres-grand  
contentement qu'il vous plaist de  
m'entretenir quelquesfois par vos  
doctes lettres, vous ne trouverez pas  
estrange que je desire de me le conti-  
nuer: & que pour attirer le torrent de  
vostre sçavoir je me face une ouver-  
ture par le moyen de vous contredire.  
Je veux donc soustenir avec vostre per-  
mission, qu'en la dernière que vous

F 2

m'avez



84 A. MARIÆ à SCHVRM. &c.

m'avez fait l'honneur de m'escire, vous rabattéz (ce me semble) un peu trop du prix de la Science, ne me voulant permettre que je m'en face provision à quelque despens de la santé corporelle. Car la raison nous apprend, que c'est chose beaucoup plus inique & plus insupportable d'affamer les genereux desirs d'un esprit enflammé par l'amour de la verité, que de rebuter ces soucis trop delicats par une commodité exterieure. *Animi imperio, corporis servitio magis utimur.* Non que je veuille nier qu'il y puisse avoir de l'excez dans ces desirs qui n'ont pour object que des curiositéz vaines & superflues : mais je veux dire que la cognoissance des choses salutaires est une perfection si excellente, & si propre a l'homme, qu'elle ne scauroit exciter dans une ame une passion vicieuse ou d'ereglée : & que c'est faire tort à ceste qualité celeste que de la mettre en balance contre une qualité terrestre. Je scay bien qu'on me dira que je suis plus que Stoicienne en ce point,

point, & que j'affecte plus l'austerité  
que les Philosophes mesmes, qui nous  
diront avec le Poëte,

*Orandum est ut sit mens sana in  
corpore sano.*

La replique est, que c'est une plus  
grande stupidité d'estre insensible à la  
raison, laquelle nous fait resoudre  
(d'autant que ces deux biens sont si ra-  
remement sociables, que l'un ne peut  
quasi s'accroistre sans la diminution  
de l'autre) de souffrir la perte de la par-  
tie qui nous doit estre moins confide-  
rable. Or vous insistéz que les fon-  
ctions de l'esprit dependent tellement  
du corps, que sans sa bonne constitu-  
tion elles demeureront oisives & inu-  
tiles au service de Dieu & des hom-  
mes. A quoy je respons, que ceste sorte  
de maladie qui est si familiere aux  
gens d'estude, n'a pas tant accoustu-  
mé d'assujettir l'esprit, & de le ren-  
dre esclave du corps que de rendre le  
corps plus spirituel & plus obeissant  
aux excercices de l'esprit, comme les  
exemples de M. I. Calvin. Ios. de la

Scala, I. Lipsius, & de tant d'autres nous en rendent tesmoignage. Quant à ce vœu du grand mignon de lettres Keckerman (si toutesfois le tesmoing qui vous l'a recité est sans reproche) je croy que ç'a esté plustost un mot d'impatience que d'un courage digne de luy mesme. Autrement il faudroit advoüer que Brutus mesme n'auroit pas esté si ingrat envers la vertu quand il pretendoit de l'avoir servi comme une maistresse desloyale, que ce grand personage ne l'eust esté encores, plus envers la Philosophie: veu que par sa faveur il à trouvé dās la brieveté de ses jours une vie plus longue que celle de Nestor. Certes le nōbre & la grandeur de ses ouvrages nous monstrent asséz que la sentence Arabesque est tres-

veritable , يَوْمٌ وَاحِدٌ لِلْعَالَمِ أَخَيْرٌ ,

مِنْ الْحَيَاةِ كُلِّهَا لِلْجَاهِلِ

ce que Seneque nous dit en son langage , *Vnus dies hominum cruditorum plus patet, quam imperiti longissima etas.*

Tou-



Touchant la sentence de Pline je ne diray rien sinon qu'il me suffit que vous ne sçauriez vous passer de citer des lieux si obscurs qu'il donnent la geine aux Critiques mesme, pour prouver ce que vous vouléz soustenir. je passe à celle de Salomon, laquelle ne conclud rien contre moy, d'autant qu'elle à seulement pour but de nous donner d'un costé une preuve de la vraye sapience dans ses effects; à sçavoir la pieté & la crainte de Dieu: & de l'autre, une certaine marque d'une science vaine & inutile en ce qu'elle produit le chagrin à ceux qui la pourchassent. Il reste encores que je renga S. Augustin de mon costé, qui ne semble rien requérir que le vouloir pour estre ami de Dieu; ce qui ne me sera pas difficile, pource que parlant en ce lieu *σωεοδοχικῶς* il n'entéd pas d'exclure les autres parties qui y sont requises. Le commun proverbe nous dit fort bien; *Ignoti nulla cupido.* voire G. de Nazianze ose affirmer en termes expres, *Tantum diligimus quantum cognoscimus.*

Et de fait quand je passe de l'oeil sur tant de belle matieres qui nous servent d'eschelle pour nous conduire à la cognoissance de la premiere cause, il me semble que ce seroit une grande ingratitude ou lascheté de nous laisser confiner dans des bornes trop estroits. J'emprunteray icy la bouche d'un Hebreu nommé par excellence, חכם pour m'expliquer plus elegamment par ses paroles, נדעה שנכדה לדעת את השם, כי זה סוד כל החכמות ובעבור זה לבדו נברא האדם רק לא יוכל לדעת אתיו' עד שילמוד חכמות הרבה שהם Bref כמו קולם לעלות אל זאת המעלה העליונה l'Ecriture sainte dont l'intelligence est d'autant plus douce & plus accomplie qu'elle est plus ample & plus universelle, ne nous invite pas seulement a l'estude des langues originelles & des sciences instrumentales, mais elle nous engage aussi à la recerche de tant des sciences principales dont elle nous propose de si belles pieces, comme nostre professeur Voetius à fort bien remarqué dans ce presche imprimé, qu'il fit devant l'inauguration de nostre

stre Academie. I'ay voulu user plustost de c'est argument que d'aucun autre, à cause que la Doctrine celeste est aussi necessaire pour la felicité des femmes que pour celle des hommes. Or s'il nous est permis d'entrer avec vous en ceste lice, certes il ne nous faut laisser les occasions oisives ny les heures steriles : & ce d'autant plus que nostre sexe, n'ayant pas l'esprit si fort & si capable que le vostre, à besoin de chercher son avantage en l'assiduité, & en la vitesse. Et par ainsi c'est user de vostre indulgence, & non pas de la severité de vostre jugement, que de me vouloir divertir par les estudes de recreation, ou vostre lettre semble avoir sa visée. Finalement, vous monstrez ce que peut l'art de bien dire, en donnant à l'ignorance si bonne grace qu'elle pourroit quasi charmer son ennemi mesme, & pour me faire encors mieux considerer ses attraiets, vous m'envoyez à la lecture de la Morie d'Erasme. Quant à moy, je n'ay pas eu l'occasion jusques icy de voir ce gentil traitté



90 A. MARIÆ à SCHVRM. &c.  
dont je fais grande estime. Bien que  
ny l'autorité de l'Auteur ny toute son  
eloquence ne me sçauroit persuader  
qu'il y ait de la felicité à faire les om-  
bres qui par leur obscurité relevassent  
l'esclat des sçavans, ou que la beauté  
del'Vnivers nous doive estre si recom-  
mandable, que pour faire mieux pa-  
roistre ses plus belles parties, il nous  
faille contenter d'y estre un monstre.  
Voyla, Monsieur, combien je m'ap-  
proche de la folie quand je veux faire  
la serieuse; & combien je suis contraire  
à moy mesme quand j'ay dessein de  
vous contredire. Mais quoy qu'il en  
soit tous nos differens reviendront  
tousjours à ce poinct, que je suis &  
seray toute ma vie

*Monsieur*

*Celle qui plus sincerement aime &  
estime vos Vertus*

D'Utrecht le 9.  
de Sept. 1637.

ANNE MARIE de SCHVRMAN,

Nobilissimæ atque Eruditissimæ

D<sup>x</sup> ANNÆ MARIÆ

A SCHURMAN,

S. P. D.

IACOBVS LYDIVS.

**N**ON est quod Te, Nobilissima Schurmannæ, admiratio subeat, quod ignotus, per litteras te compellare, & beneficium ab te non vulgare efflagitare haud erubescam. Nam præterquam quod litteræ candoris atque ingenuitatis sibi consciæ ruborem pudoremq; istiusmodi eliminant, Vir Reverendus summusque amicus noster D. Colvius eundem planè decoquere iussit, dum non proletariæ eruditioni tuæ comitem comitatem, & ad hominum litteratorum (quorum cultorem atque æstimatorem maximum me profiteor) συζητήσας respondendi promptitudinem ac facilitatem mihi dilaudavit. Nosti, Clarissima, locum vexatissimum, & qui multas insignes fatigavit animas, 1 Cor. 15. v. 29. de baptizatis *ὡς ἐπὶ τὸ νεκρῶν*; ei lucem affundi

ab

92 A. MARIÆ à SCHVRM. &c.

*ab illustri tuo spiritu atque ingenii benignissima vena magnopere obsecro, atque unicè in votis habeo. Præsertim cum extemporalem ad istum locum responsionem eruditissimam, à N. T. jam pridem datam non obscuris rumoribus acceperim. quod me vehementiori cupiditate, præmeditatam tuam de illo baptismo commentationem efflagitandi, inflammavit. Neq; enim me fugit, nihil te prius, nihil antiquius habere, quam tempus ac studia in rerum sacrarum indagatione ponere. quod enim sic erogatur, nã illud lucrum præstantissimum corradit. Equidem animum meum tum mihi maximè pascere videor, cum eruditorum in loci alicujus S. Scripturæ sensu abstrusiore indagando atque eun-  
cleando sanctis vigiliis uti ac frui datur. Perplacet enim illud patris Casauboni in Gallia Ecclesiæ Ministri dictum cedro dignum, quo, filium ad Sacrarum Litterarum studium accendens, postquam ab eodem Notas in Diogenem Laërtium, primum ingenii ipsius fætum Criticum, accepisset, in hunc modum respondit: Mi Fili, laudo tuum studium; verum hoc  
scito,*



scito, rem gratiorem te mihi facturum, si vel unum dictum S. Scripturæ, difficultatibus aliquibus obstructum, explicueris, quam si mille profanorum Scriptorum loca depravata correxeris. *Accedit quod opusculum de Morte affectum habeam, cujus prima pars Belgica poësi mortis contemptum suadet, altera ritus variarum gentium circa ægrotos, mortuos ac sepultos soluta oratione exponit. Vereor sanè (utpote qui probè norim quam parum à scientia & eruditione, quæ lectorem alliciat, instructus sim) ne opusculum illud natum simul ac mortuum sepultumque conspiciam; nisi à vivido tuo vegetoque spiritu vita vigorque ei inspi-  
retur, ut non tetrico horribilique vultu, qualis mortuorum esse assolet, sed hilari atque ἐλευσικῶ obvios intueatur, atque ita seculo nostro arridere & allubescere queat. Quod penitus effectum iri tua ista de baptismo τῷ ἐν τῷ νεκρῶν dissertatione vel brevissima nullus dubito. Ea propter si hanc à N. T. ubi commodum erit, impetravero, ingenti utique honore ac beneficio, cui par redhostimentum à me profici-*

cisci nequit, me mactatum censebo. Vale  
 χαρίτων ἡμεροφώνων ἱερὸν Φυτόν, & perge  
 magno raroque exemplo seculum nostrum  
 ab ingruenti barbarie (quam jamdudum  
 magnorum virorum præ sagivit animus)  
 constanter vindicare; utpote cujus insi-  
 gnam in scribendo eloquentiam, mellitis  
 verborum globulis conspersam, dictisque  
 sesamo ac papavere edulcatis comptam,  
 docti omnes merito admirantur. Vale ite-  
 rum, ac salve plurimum à me & D. Colvio,  
 cum voto, ut Deus ille unusquisque Βιοδωτήρ  
 vitam Tibi in longos annos proroget, &  
 ad patriæ nostræ (invidiosum forsitan ex-  
 teris) ornamentum quam diutissimè sospi-  
 tem atque incolumen conservet. Clarissi-  
 mo D. Doctori ac Professori Voetio, si gra-  
 ve non erit, salutem dici velim.

Dordraci \* April.

MDCLX.

Viro

*Viro Clarissimo*

D. IACOBO LYDIO,

S. D.

ANNA MARIA à SCHVRMAN.

CITIVS equidem ad humanissimas tuas literas respondiſſem, Vir Ornatissime, niſi aliud ex alio, & præſertim illuſtris cujuſdam virginis afflictiſſima valetudo nos impediſſet hætenus; ut jam taceam, quod à ſcribendo me detertere poſſet, vel ſola rei, de qua ſcribis, difficultas. Certè nimis prolixè interpretatus eſt noſtræ Theologiæ facultatem communis noſter amicus D. Colvius, quando autor tibi fuit, ut à nobis efflagitares loci hujus difficillimi explicationem, in qua haud mediocriter etiam ſummi, uti video, Theologi deſudarunt. Mirabilis hîc judiciorum diſcrepantia eſt, adeo ut non injuria dixeris, quot capita, tot ſententiæ. quæ quidem meditandi nobis anſam præbent, verum ſeorſim ab iis ſentiendi libertatem non tollunt.

Ego



Ego verò , quanquam arbitror tutissimum fore ignorantiam hîc ingenuè profiteri , tamen , quia per vestram expectationem id nobis non licet , saltem aliquid in medium afferam ; cumque in tanta caligine & acutioribus & hebetioribus ingeniis eadem penè fors sit , malim aliorum exemplo propriam dicere sententiam , quam alienæ suffragium nostrum commodare. Illud autem in primis hîc tenendum existimo , Apostolum ad probandam resurrectionem mortuorum gravissimis uti argumentis , quorum singula urgeat acriter , nec non singulis pro pondere cujusque immoretur. Postquam igitur argumentatus est à statu exaltationis Christi , putamus eum commoda transitione descendere ad statum humiliationis ministrorū ejus : qui , dum propagandis Ecclesiis perpetuo invigilarent , maximis ea tempestate persecutionibus & calamitatibus obruebantur , ut hæc miserrima Apostolorum conditio graphicè describitur , 1 Cor. 4. v. 9. Nec parum huic con-

connexioni favere videtur particula ἐπεὶ, quæ non nisi relatè ad antecedentia hîc sumi potest. Est autem in his verbis: τί ποιήσουσιν οἱ βαπτίζοντες ὑπὲρ τῶν νεκρῶν, ejusmodi deductio ad absurdum: Si mortui non resurgunt, frustra tot tantosque labores subeunt perferruntque pro mortuis, id est pro fidelibus, quos sic appellat juxta ipsam Corinthiorum sententiam, quò aliud inde absurdum possit elicere, ut mox pluribus dicemus. Consequentia optima est; quoniam nulla foret harum perpeffionum retributio, nulla spes gloriationis in die sive adventu Christi: cujus gratia aliàs tantopere delectatur Apostolus Philipp. 2. ῥ. 16. & 2 Cor. 1. 14. & 4. 14. Atqui hoc absurdum, ergò & antecedens. Fortè dicat aliquis; satis amplum præmium est propagatoribus Ecclesiarum, si animæ beatorum immortalitate fruantur. Sed facile id refutatur, ex ῥ. 18. & 19. hujus capitis; præcipuè verò argumento Servatoris nostri, Matth. 22. 31. unde colligimus, tunc agi de composito sive de

98 A. MARIE à SCHVVM. &c.  
toto homine , cum de resurrectione  
corporis disceptatur:quippe utriusque  
partis essentialis æterna salus eadem  
opera aut asseritur aut negatur. Reli-  
quum est ut ostendamus huic exposi-  
tioni neq; analogiam fidei, neq; phra-  
siologiam Scripturæ, neque ipsum de-  
nique contextum adversari. Primum  
ad verba *οὗτοι βασιζονται* & *βασιζονται*  
quod attinet, satis obvium est ea per  
metaphoram pro gravissimis afflictio-  
nibus usurpari, Matth. 20. 22. & Luc.  
12. 50. Nec desiderari hîc poterit ver-  
bale *βασισμα*, quod alias adjici solet;  
quia ex more linguæ sanctæ Ellipsis  
quandoque est nominis conjugati;  
quod & præter alios observat sapiens  
Aben-Efra ad Psalmum 13. v. 4. ubi  
sic inquit: *הַמֶּלֶךְ בְּכַח הַמַּלְאָכִים* hoc est,  
*Nomina continentur potentia in verbis.*  
Verba enim textus sic habent: *פֶּן אֵינָם*  
*הַמֶּלֶךְ* pro *שֵׁנֵת הַמֶּלֶךְ*, quemadmodum ea-  
dem phrasis integra occurrit, Ier. 51.  
39. Est & frequens hæc translatio in  
S. Literis, præsertim in V.T. ut scilicet  
per aquas & demersiones, hostes eo-  
rumque



rumque persecutiones patheticè designentur, ut videre est, Psalm. 124. Thren. 3. 54. Apoc. 12. itemque Psalm. 69. ubi Sel. Jarchi ὕψ. 2. exponit מים באומות, & Chaldaus sic *ܡܝܢ ܕܡܝܬܐ ܕܡܝܬܐ* id est, *Demersus sum in captivitatem tanquam in aquam profunditatis.* Nec non vers. 15. *פָּצַח יָתִי מִן גְּלוּתִי דְּמַתִּילָא לְסוּנָא וְלֵא אֶמְסוּדַּע* quæ sic vertere liceat: *Libera me à captivitate, quæ similis est luto, ut non submergar: redime me ab osoribus meis, qui similes profunditatibus aquarum.* Sequitur *ὑπὲρ τῶν νεκρῶν*, quod jam interpretati sumus, *propter Ecclesiam seu electorum causâ.* In hac significatione sæpissimè sumitur vocula *ὑπὲρ*, ut 2 Cor. 1. 6. Ephes. 3. 13. aliisque locis ferè innumeris. Electos vero vocat *mortuos* per Ironicam scilicet, quia, juxta erroneam adversariorum opinionem, pro mortuis revera erant habendi. Nec ab ejusmodi figura abludunt iterata hæc verba, *τί ἢ βαπτίζονται ὑπὲρ τῶν νεκρῶν*, quasi ingeminaret: *Quis velit tanta facere*

100 A. MARÆ à SCHVRM. &c.  
aut pati pro mortuis? Quid autem ve-  
tat eos appellare *mortuos*, qui nun-  
quam sunt resurrecturi; cum Christus  
*viventes* dicat Abraham, Isaac & Ia-  
cob, eo quod aliquando sint certo re-  
victuri? Matth. 22. Accedit quod sub-  
jectum principale hujus capitis sint  
*mortui*; prædicatum autem eos esse re-  
ferrecturos. quocirca insolens videri  
non debet, hanc dictionem τῶν νεκρῶν  
hic quoque retineri. Præterea articu-  
lus τῶν, cujus rationem haberi volunt  
viri doctissimi, optimè huic expositio-  
ni responderet. Aliud enim est νεκρῶν,  
qua voce intelliguntur quivis mortui;  
aliud τῶν νεκρῶν, quod de certis quibus-  
dam mortuis accipi solet. Deinde, non  
obscurum est cum fide Christiana mi-  
nime pugnare, quod pro aliorum sa-  
lute multa dicantur pati Verbi Divini  
ministri; ut satis præclare hoc osten-  
derunt quotquot commentatores Or-  
thodoxi à Pontificiorum commentis  
vindicarunt verba Apostoli Coloss. 1.  
24. cum quibus conferri possunt ea  
loca, 2 Cor. 1. 6. Philip. 1. 14. & 2 Tim. 2.  
ῥ. 9.

ὕ. 9. 10. nec non Eph. 3. 1. Coloss. 4.  
 3. Act. 21. 28. & 24. 5. ubi aut de uti-  
 litate consolationis, aut de exemplo  
 constantię, aut etiam de causa impulsī-  
 va seu occasione harum perpeſſionum  
 fermo est. Denique, universo ordini  
 ac dispositioni hujus argumentationis  
 bene congruit, ut Apostolus circa fi-  
 nem maximè illustria, atque toto quasi  
 orbe conspicua exempla proponere  
 statuatur; primum quidem in genere  
 omnium cœlestis veritatis antistitum,  
 tum Apostolorum in specie, quando  
 sequenti versu subjicit: τί καὶ ἡμεῖς κιν-  
 δυνώμεθα πάντων ὧρων; post & sui ipsius  
 ὕ. 31. 32. Ut jam nihil dicam de ana-  
 phora in particula καὶ, quæ continuatio-  
 nem ejusdem argumenti non raro in-  
 ferre consuevit. Nimia fortè facilitate  
 & temeritate hanc scribendi provin-  
 ciam suscepimus, modumq; epistolæ,  
 præter morem nostrum, excessimus;  
 sed id dandum fuit amicis, quorum  
 hortatu extra territorium jus dicere  
 ausi sumus. Vale. Ultrajecti prid. Kal.  
 Majas c l o l o c x l.



De Bataviæ Miraculis, & omnium maximo  
 ANNA MARIA SCHURMANNA,  
 Nobili & omniscia Virgine, quæ parem nec  
 habuit, nec habitura est unquam.

*Hic contracta vides orbis miracula, Virgo  
 (Majus id est) Musas exhibet una novem.*

### QV A T R A I N.

A ceux qui voyagent en Hollande pour voir les  
 singularitez d'icelle, & pour soy-mesme.

*Hollande est l'abregé des merueilles du monde:  
 Amis combien est grand le fruit de nos labeurs !  
 Mais voicy la plus rare: Vne vierge faconde  
 Seule possède icy la gloire des neuf Sœurs.*

### *In Effigiem*

ANNÆ MARIÆ SCHURMANNÆ  
 ab ipsa expressam.

*Numina plura simul cernas, hic Pallas in una  
 Virgine, tres Charites, Pieridesq; novem.*

*Aliud ejusdem ferè Argumenti.*

*Fallaci nimium tabulæ ne crede: Minerva,  
 Schurmannæ hic, Charitum, Pieridumq; typus.*

### A L I U D.

*Ipsa suos vultus pingens Schurmanna, Minervam  
 Se, Charitas pinxit Pieridasque simul.*

P E Y R A R E D V S.

## CORNELII à SOMEREN

A D

ANNAM MARIAM SCHVRMANNAM

*Nobilem & omnisciam Dominam Virginem,*

C A R M E N.

Fœmina quæ ingenio nostros transcendis honores,  
 Majorem quâ non integer orbis habet.

Egregiumque aliquid grandes cecinere Sibyllæ,  
 Ista potest ANNÆ blandula Musa loqui.

Quod natura dedit, Pallas fœliciter auxit,  
 Effinxit mores attribuitque decus;

Mens ignara mali tutum tibi præstat asyllum,  
 Et justæ & sanctæ Relligionis amor.

Insignis probitas, & rarus pectore candor,  
 Mens pia, mens rerum gnara, benigna, sagax;

Eloquioque lepos, animo sapientia rara;  
 Ingenium cerebro judiciumque sedet.

Exprimere has omnes uno cognomine dotes  
 Quod possit verbum, non mihi nosse datur.

Naribus æthereis gratos quæ fundis odores,  
 Pectore dum spiras cœlica sola pio.

Negligit ast hominum tua rara modestia laudes,  
 Dignior hoc ipso laudibus illa Dei.

Hinc votum pro laude dabo: fervetur in ævum  
 Magna Dei bonitas quæ tibi summa dedit.

Perduret studium, semper quo cœlica tractas,  
 Insignes sacro codice promissas opes.

Et qua nos sapimus vir dici parte mereris,  
 Omniaque elogiis nobiliora meis.

A L I V D.

Omnia SCHVRMANNÆ cedant miracula menti,  
 Natura hic posuit quicquid ubique latet.

## EVURTII JOLLYVETI AUREL.

Parisiensis Advocati,

Ad Nobilissimam sapientissimam religiosissimamque  
 Virginem Mundi totius, omniumque sæculorum  
 miraculum, meritissima congratulatio,

ANA MARIA SCHVRMAN.

*Anagramma.*

NASCAR HVMANA MIRA.

*Q*ualis in anfractu Sylva, aut latitantibus antris  
 Obvia verba refert Echo, gemitusque loquaces  
 Quicquid amant, imitantur, habent nec pectora vocem  
 Nec sensum genius, lacrymas, risuque refundit  
 Hos velut excepit, radicibus arboris, alta  
 Qua ramo frondente polum, pede tartara tangit  
 Ut primum angusto collisus murmure fama  
 Virginis, aternos debent cui nostra triumphos  
 Sacula, quæ patrum poterit delere priores  
 Ut meritis celebranda caput tot floribus ornet  
 Virtutis iustus quos nectit Olympus amor.  
 Forte superba nimis, votis offerre salutem  
 Musa, animum fulvodudum sub fulmine fessum  
 Sollicitavit, adhuc veteres ut Apollo favillas  
 Excuteret, coleretque novas his Virginis aras  
 Quam Natura sibi formavit, & inde potestas  
 Mortales docuit, valeat quid dextra, Puella  
 Ferre, quid à cælo pretiosi pectora sexus  
 Excipiant, nunquid generosum pulchra Leonem  
 Virgo fugat? liberaeque trahit, monumenta, furoris  
 Esse hostem, fidam justique æqualis amicam.  
 Ergo salutis honos cessante timore Camcenam  
 Impulit harentem, bona quid mihi vota nocerent?

Obse.



Obsequiis firmatur amor mentisque recessu  
 Iungimur, haudque obstant animus spaciola locorum  
 Intervalla, Maris nec fluctibus, ardor amoris  
 Extingui metuit, Vatum nec sacra facultas  
 Captiva arcentis franatur carcere vincli.  
 Ut mihi consului timido, nullumque pudoris  
 Dedecus offendi; dixi, quid templa puella  
 Supplicibus Votis, ignotus adire recuso  
 Quid moror? illa gravi celebratur honore per orbem  
 Grata humiles monstrant accessis pectora sensus  
 Erigit errantes, & amico pondere, iusti  
 Consilii, radios portendit lumine vultus  
 In tenebris anima, divos qua flagitat ignes  
 Rebus in excelsis, miro quas ore ministrat  
 Omnibus, ergo alacri monumento, vincula solvam.  
 Qua retinent animos, sed quo jam carmine limen  
 Virginis accedam, modulus quos flectere cantus  
 Tristibus an Elegos spirabunt pectora plectri  
 Versiculos, molles ANNÆ languere Camœnas  
 Crediderim, magnis heroica sola puellis  
 Conveniunt, dubitare nefas, Altaribus ANNÆ  
 Egregios referet, temeraria illusa triumphos.  
 Si placeat, limenque petat, vultuque Sereno  
 Annuat, ô fœlix, mea si cognomina primis  
 Admoveat labris, nimioque indulgeat œstro  
 At placet ipse furor, nam quos non ANNA movere  
 SCHYRMAN amat versus an posset spernere Vates  
 Hanc qui mirantur, velut hanc oculosus Olympus  
 Ut miraculum operis, quo se patefecit amantem  
 Ingenii tanti, tantis quod dotibus ornat  
 Quis numeraret opes humilis quibus ANNA superbit  
 Non ego divitias veterum quas iure parentum  
 Possidet, extollo, quid enim sunt mentibus illa  
 Pollice qua verso venient ludibria sortis  
 Has habet, ast inopi, sibi non, doctisque bonisque  
 Pauperibus largitur, amat sic divite dextra.

Fessos dum studiis recreat velamine sensus.  
 Fundere dona Deo, macris vel pingua membris  
 Munera ferre, quid est majus, quod gloria culmen  
 Iactet, at in tenebris, vult tanti quarere Solis  
 Lumen, & arcano magnos molimine motus  
 Inspirat, qua non tibi quaeso fanora reddit  
 Christus, amore tuo, qui flagrat, inhospita tanti  
 Numinis esse queas, audi SCHVRMANA quid ille  
 Contulit ingenio, forsan latitantia sensit  
 Munera mens humilis, vili qua cespitem terra  
 Quaque tenet protiosa, facit, speculari parumper  
 Dites Oceani quos tu sub pectore fluctus  
 Ut ditione regis, jam nonne fateberis Orbi  
 Lumina quanta micant in te, reticere favores  
 Crimen erit, meliore tubâ celebrare iuvabit.  
 Quàm nostrâ sed te cum casta modestia franet,  
 Suscipiam, minimis, ni me tua fama fefellit  
 Innumeris, aut fessa suas per itinera vires  
 Perdiderit, solet hac sentire pericula virtus  
 Offuscant præsens oculos, & spernitur, extra  
 Si longe radios mittat dubitantia reddit  
 Pectora, sed cessant tot post monumenta querela  
 Suspicioque sagax certissima, vidit in orbe  
 Lumina queis fulges, queis MIRA videris Olympo  
 Hec ubi lata rosas, fertorum prodiga coelis  
 Aurora aspergit, tua nempe ut tempora cingat  
 Floribus aternis, ibi te miratur alumnam  
 Phœbus, amore magis quàm fervidus ignibus ANNÆ  
 SCHVRMANNÆ, sederunt veluti mendacia magnis  
 Mentibus, hæc laudes, merito quas nostra rependit  
 Iure Minerva tibi, videat vel sentiat Orbis  
 Astra quibus fulges, superantia lumine clari  
 Imperium Solis, cuncta & rutilantia Cœli  
 Sydera, virtuti cedunt qua grata iuventa.  
 Hoc fateare precor, nunquid tu stemmate longo  
 Illustres numeras Atavos, qui sanguine claro

Nobilitatis opes, titulos, monumenta, favores  
 Congessere simul propria virtute, sagacis  
 SCHVRMANÆ Gentis, patria qua fulcra labore  
 Sustinuit columenque tulit, quid Nomen honoris  
 Consequeretur ovans, Batavis ea cognita rebus  
 Sufficiunt, bona sunt certis peritura ruinis  
 Nobilitas & opes, dominante tyrannide sortis  
 Instabiles, hac non animus, non Musa canoris  
 Carminibus celebrare ardent, sed Dona, sed artes  
 Ingenii, quibus es miranda mirantibus astris.  
 Hoc tibi sit speculum nostro spiramine carmen  
 Non quo formosa mireris imagine vultus  
 Delicias, ac te per amoris acumen honores  
 Fragilis hac species, quamvis speciosa, tenelli  
 Sint oculi quanquam, radii sub falce peribunt  
 Mortis, & in tenebris confossum lumen abibit.  
 Non te vana trahunt, aliorum pectora pro te  
 Quamvis angusto aut angusto carcere frenent  
 Libera mens, servire Deo tibi gloria, sicque  
 Omnia qua mundum spectant tu dedignaris.  
 Deliciosa animo qua sint, si postulat Aula,  
 Talia supplicibus votis oracla dabuntur,  
 Te fausto Natura dedit subsidere terris,  
 Vltima precipitis mundi per sacula, virtus  
 Incaluit peritura, novas accendere flammās  
 Instituit, purum & fovisti lampadis ignem.  
 Unde tulit, quarumque prior non viderat atas,  
 Nempe tot arcanis, (hac est doctrina piorum)  
 Luminibus genii, Dominum cognoscere cæli  
 Viribus humanis, quantum conceditur uti,  
 Cognitionis apex, anima superadditus aqua,  
 Nam timor exarsit, viguit reverentia legis  
 Intemerata, humili flagrarunt pectore flamma,  
 Queis calida ingentis tentavit adire tribunal  
 Iustitiæ Solis, sub quo tremebunda puella  
 Grandia supplicibus retulit primordia votis.



Doctrinam Pietas genuit, qui servit Olympo  
 Nunquam indoctus erit, sic virgo beata, per unguis  
 Calluit angelicas arcano pectoris artes,  
 Invenitque pium primo sub lumine lumen  
 Ut Deus est radiosus ei, qui quarit amoris  
 Ignibus accendi, sese qui mactat in ara.  
 Omnibus hac imbuta fuit, qua quarit in astris  
 Ipsa sacerdotum Christi devota caterva,  
 Et satiata anima ingenti dogmate cœli  
 Quod chorus excelsis expandit mentibus Agni  
 Addere permisit tot luminis ignibus, Orbis  
 Inferiora Deus nempe hac famulantur honori  
 Doctrina Angelica, pedibus qua cetera calcat.  
 Nil negat ipse suis, sic prudentissima virgo  
 Reddere cuique suum, Themidis mandata, (conantis  
 Qua brevior, effusa & confusa lege sequuntur)  
 Scivit, & Imbelles tuta est audacibus armis  
 Iudicibus tramitesque daret, Vox regula quippe est  
 Iustitia cujus moderatur dextra balances.  
 Infinita velut numeris doctrina, sagacem.  
 Postquam intellexit divino lumine Paulum.  
 Sana salutiferas cognovit Apollinis herbas  
 Pelleret ut morbos vāsani corporis, inde  
 Mira favi, miseris ut nomine numine faulrix.  
 Postea mente vigil, cali super athera scandens  
 ANNA decussatos cognovit Syderis ortus  
 Occasus varios vires & luminis, ingens  
 Materies molis, spatio percognita certo  
 Luxit, & ambages qua dant tenebrosa Diana  
 Lumina, qua speciem reddunt sub imagine vultus  
 Et quacunque ferunt astris miracula, celsum  
 Non lassata gravi splendore reliquit Olympum  
 Concava prima petens, molles ubi dextera flammæ.  
 Sensu, & ardores nullos, radiosque negatos  
 Natura iussu cognovit in atheris alto  
 Imperio, quo cuncta manent, & cuncta moventur.

*Aulas ventorum voluit pernicibus alis  
 Cernere, sublimes regionum vivida campos  
 Lustravit, causas rerum scrutata per ipsa  
 Principia, instabiles volucres, modulamina vocum  
 Tot celebres edunt Domino queis cantibus hymnos.  
 Natura vires avium, speciesque ciborum  
 Regia deliciis vita quos mensa ministrat,  
 Ex aquila ad muscas, mysteria cuncta revolvit.  
 Æquoreas post Nympha velut descendit ad aulas.  
 Heic ubi gemmarum causas docuere superbis  
 Fornicibus concha, nihil ostrea pura negarunt  
 Virginis ingenio, ni brachia pulchra tulissent  
 Armillas, hinc ut monumenta referret honoris  
 Obsequio fidei, meriti pro jure dedissent.  
 Insuper hic mutos liquido sub marmore pisces  
 Hactenus illorum nemo cognoverat iras  
 Nomen, virtutes, motus, medicamina, squammas,  
 Est speculata omnes, contenta liquoris honore  
 Excessit, terrasque petens, hominumque Theatrum  
 Ingressa est, ubi cuncta animo complexa capaci  
 Vidit, & imperiis melioris cognita mundi  
 Luxit, ut exorients miranda luce Minerva  
 Cuncta docens alios; ea sunt retinenda Camænis.  
 Ecquis enim modus ille foret? tot pandere sacris  
 Excelsi ingenii præstantia dona, tot artes  
 Tot linguas quibus ANNA Dei, Regumque ministros  
 Alloquitur, magnis meditans molimina rebus.  
 Non eget illa tuis Hermes doctissime Divum  
 Auxiliis, varios regnorum quippe lepores  
 Toto divisi jam qui celebrantur in orbe  
 Scit, tua nec nocuit Babylo confusio, major  
 Imo fuit virtutis apex, quo mira puella  
 Argumenta micant, quibus omnia pectora mundi  
 Gallicus Alcides veluti per vincula lingua  
 Attrahit & moderatur, & hac monumenta probantur.  
 Tot scriptis quibus ANNA nigras albasque catervas  
 Austro-*

Austrorum medii Solis, gelidosque Triones  
 Primo & gaudentes Aurora lumine sinas  
 Nil moror Europa sermonibus, illa vicissim  
 Calluit externos ut verum promere sensu  
 Egregio, nam lingua nihil nisi porta, viarum  
 Anfractus nihil est, sed pulchra palatia Regis  
 Quæ petimus, nostra præstant solatia menti,  
 Sola tamen mortalis habet tot dona labelli  
 Omnibus ut doctis vix illa indulta facultas  
 Romanis, Græcis, Gallis, Batavis, Germanis,  
 Iudæis, domini Genti, tenebrisque reclusa,  
 Augusto, Sacroque loqui spiramine lingua  
 Innumeros quamvis ramos typus atque character  
 Efficiant, longa sacrorum face, sed ANNA  
 Sol velut atroces dissolvit lumine nimbos.  
 Indicat & cæcis renuentibus atque salutem  
 Divina Æterni Nati natalia Christi  
 Impia Gens puram damnavit crimine Matrem  
 Virgineos partus, & sancti spiritus ignes.  
 At nova jam Virgo te sancta Virginis astra  
 Prædicat, & scriptis Domino dictante Propheta  
 Arguit, & monstrat, proh! Gens incredula solis  
 Atque salutis opes ANNA exhortante recusat  
 Flammarum huic parset, huic cœli gloria certa est  
 Umbra velut sequitur suffuso lumine corpus  
 Sic annullantur divina Palladis artes  
 Doctrinis, quibus ANNA micat sacer Angelus Orbis.  
 Quid non illa facit, digitus quid amica negavit  
 Natura? ingenio quid non hac prodiga Mater  
 Contulit, at potius dives numeravit aristas  
 Agricola, & nauta varios super aquora fluctus.  
 Mirari sed dona satis, si postulat Aula  
 Nympharum formosa cohors, quibus illa corruescet  
 Artibus, has velim calamo mirentur agresti.  
 Dum Musa jucumbit celebrandis laudibus ANNÆ  
 Nescio si fluidos superaret dextra lepores



Tanta potest etenim digitorum industria, majus.  
 Vt sermone queat, Coelorum sydera pingens:  
 Serica flammivomis attexit fila lapillis  
 Caruleo in panno, tuque hic elementa videres  
 Ludere Natura jussu dum cuncta ministrant  
 Tempestate suâ glaciem floresque per hortos  
 Flora videre putat decepta coloribus artis  
 Pampineos Bacchus vinoso mense racemos  
 Vendicat, ut Pomona graves ad fercula fructus.  
 Alta frondosas si pinxerit arboris umbras  
 Decipientur aves, levis at fallacia, fallit  
 ANNA oculos hominum, pictoribus illa ministrat  
 Quid retlegant tabule, sed picta siparia sensus  
 Ingeniique aciem rerum sub imagine vincunt  
 Ardua confusa illudunt conamina dextra.  
 Angelica ut celebri contingit musica vati  
 ANNA suis etiam devotis vocibus aula  
 Scit superare choros, dulci modulamine cantus.  
 At vox ipsa nihil, spiramina Cordis Olympi  
 Excipiunt aures, atque ignibus aethera fundunt  
 Organa cuncta canis vocis famulantur honori  
 Pectoribus, cordaque canunt quod corda rependunt  
 Nil vulgare sonat, carnis vel molle voluptas  
 Auribus obrudit, solitis sed sancta trophæis  
 Attrahit angelicas è cœli culmine turmas  
 Empireos sacris jungant ut cantibus hymnos.  
 Credo equidem, divina phalanx latatur amore  
 Humani quando rapiuntur ad aethera sensus  
 Cantibus atque animis, cogunt descendere cœlo  
 Contrita pro mente Deum qui cordibus haret.  
 Intima si puris respondet Musica votis.  
 Hoc opus est ANNÆ cœlo quæ sola reducit  
 Astræam, comitesque alias quæis splendida virtus  
 Sensibus in justorum hominum immortalibus ades  
 Consecrat & tantum pietatis secula spirat.  
 Talibus ô justas utinam retinere propheta

Possent


Possent censuras morum, quibus horrida mundi  
 Tempestas, cœlo ne sit meliore serena  
 Splendere in radius domini qui lege coruscent,  
 Suscitât ANNA Sacrôs solenni voce prophetas,  
 Sustinet aut potius divini muneris ingens  
 Officium. scriptis dum pessima corda coercent.  
 Forsitan effusi confictas carminis artes  
 Lector habere putas, ANNAM fortasse recusâs  
 Attento mirari animo, qua numine Musas  
 Antea, & falsa major virtute Minerva:  
 Non decimam dicam musis regnare sororem  
 ANNA cœlesti longe luxere minores  
 Hanc & Apollo Deus plectro celebraret amico  
 Futilis ast ea laus, Ancilla est optima Christi  
 Qui fovet hanc, illique favet, sub nominis umbris  
 HYMANA & MIRA hic NASCAR, miracula patefcunt.

Obsequentis. & humillimus

EVURTIVS JOLLYVET.

FINIS.







GEO

PEABODY

371

. 822

Sch 868

1641

c 1

19AG05 2514571

C+P,  
JC, JSC 4/98.

CW 66

LCV/-



